




BIBLIOTHECA
UNIV. JAGIELL.
CRACOVENSIS

19400


Mag. St. Dr. V





19400

I





VITA
GESTA, ET MIRACVLA,
BEATI STANISLAI
POLONI,

CASIMIRIA AD CRACOVIAM ORIVNDI,
*Canonorum Regularium Lateranensium & Salvatoris,
Ordinis D. Augustini, Viceprioris Conuentus Sa-
cratissimi Corporis Christi Casimirae,
Confessoris:*

Nunc primum in lucem edita, ad laudem Dei, & eius-
dem Beati, aliorumque Sanctorum honorem,
consolationemque Christi
fidelium:

AUTHORITATE ILLVSTRIS: D. BER-
nardi Maciejowski, S. Romae Eccl: Cardinalis,
Archiepiscopi Gnesnensis.

Cui in fine additus est Catalogus aliorum Polonorum eius-
dem nominis Sanctorum, vitae, sanctitate, vel
morte pro Christo fortiter obita
illustrium.

Authore MARTINO BARONIO Iaroslaviense Clerico.
Superiorum permisu,

CRACOVIAE;

In Officina BASILII Skalski, Anno Domini,
M. DC. IX.

IN ARMA
R^{MI} D. D. STANISLAI SVLOWSKI
Abbatis Tineccensis.



19400.T
STEMMATA qua video propius ? virtutis auita,
Virtus cuius viret ? SVLOVIAE hercle domus.
Illam quid decorat ? verbi & constantia facti,
An cadet hisce ? tenent STEMMAT Apulchra pedem.
M. BARTOLOMEVS. WRZESNIA.

❁

PERILLVSTRI ET REVERENDISSIMO
IN CHRISTO PATRI DOMINO,
D. STANISLAO
SVŁOWSKI.

Diuina prouidentia Abbati Tinecensi, Ordinis Sancti Benedicti ac Canonico nato Cracouicensi dignissimo,
Salutem & perpetuam felicit.



Ntiqui illi, Reueren: D. graues ac docti viri, sed à veri Dei casta religione alieni, plurima de suis diis, quos habuerunt, & coluerunt falsos, ad posteritatem volumina transmiserunt, quod eos non temeritate plula, sed in Deos pietate fecisse compertum est. Videbant enim, imò sentiebant, non tantum hanc inferioris machinam orbis, sed illam quoque supernam, non aliquo casu, sed nutu ac voluntate sancti numinis gubernari, & inspirari. Hinc alij de natura Deorum, alij de multitudine, alij de laudibus multa conscripserunt. Hesiodus numerum comprehendit, naturam M. Tullius Princeps & miraculum latine lingue facundè expressit, Orpheus & Homerus laudes cecinerunt. Volebant scilicet hoc modo gratitudinem & pietatem in Deos testari, & reliquos homines ad similia facta exemplo suo concitare. Nec iniuria sanè. Quanto enim maiora quispiam beneficia percipit, tantò plura benefacienti iure debet. At vnde quæso mortale genus plus beneficentiæ hausit, quàm ex ipso fonte? Meritò itaq; Deos prædicarunt, & animi sui vota libris in memoriam perpetuam condiderunt, siquidem veri Dei cognitionem eos habere non licuit. Quòd si hoc illi tanto studio, cura, diligentia, labore, contentione, facere uixi sunt, quantò magis nos, qui verum Deum, verum omnium opificem & architectum agnoscimus, facere debemus?

() PRAEFATIO.

Dii enim gentium homines aliqua virtute clari, & sepe numero vicio deformati
 turpissimo extiterunt. Proh scelus homines diuina manu conditos Deo ter
 Opt. Max. conditori adaequabimus? Quae est comparatio lucis ad tenebras? An
 etiam scelus virtuti preferetur? Quis autem est sana mente, qui Deum satis lau
 dare queat, vel adorare nolit? Quod cum aliquis sese abunde arbitretur praes
 titisse, tum demum parum vel omnino nihil fecisse sciat. Tanta enim est maie
 stas Diuini numinis, ut eam nullus animo concipere, nullus dignis laudibus ex
 tollere, nullus voto pari possit colere. Sed tamen homines nisi ad laudem praes
 potentis Dei, pro viribus decet. Non igitur Deus verus, cum Dijs falsis com
 parari debet. Etsi eos homines qui sancte semper vitam suam traduxerunt, &
 in beatarum numerum mentium inseri meruerunt (quos etiam sacra scriptura
 Deos non dubitat appellare) ipsis Dijs opposuerimus, profecto maiori laude di
 gnos comperimus. Hos enim Deus honorauit, hos miraculis comprobauit,
 hos a labe sceleris praeseruauit, hos in lucem caeteris esse voluit, hos amicos suos
 fecit, hos denique patria caelesti beauit. Hi non vna virtute, sed multis praes
 stantes, & omnis vicij expertes constanter vixerunt. Eorum laudes canere, nu
 merum describere, mores, vitam, naturam, res gestas, celebrare longe canue
 nientius, semper existimaui. Vnde cum annis praeteritis essem Romae, Catha
 logum Sanctorum in animum induxeram colligere, non quidem omnium: id e
 nim instituti mei ratio non exigebat, sed eorum tantum, qui Patroni post De
 um tutelares Regni Poloniae viriusq; sexus habentur. Aequum enim est in
 Polonia, Beatos a Polono ordine certo desiniri, & de his, pro modulo ingenij
 propter aliorum edificationem bene mereri. Ad quam rem Pontifex Beatissi
 mus Clemens Octauus, & Illustriss. D. D. pie memoriae Bernardus Maciejow
 ski, Cardinalis tituli Sancti Ioannis ante Portam Latinam Archiepif. Gnesnens
 suis Priuilegijs mihi calcar addiderunt. Insuper Sereniss. D. D. Sigismundus
 Tertius, Dei gratia Rex Poloniae, eo plus erexit. Quod opus Romae ince
 ptum, Cracouiae deinceps magno labore fini, & studio extremam imposui ma
 num. Sed quoniam desidia secum crimen trahit, ne ocio torpere videar, quem dea
 inceps laborem susciperem, cogitaui. Et illud quidem in mentem venit nomen
 Stanislai, quod mere Polonicum est, siquidem ex vernacula lingua Sarmatarum
 ipsius origo deducitur, laudibus seorsim condecorare. Cuius nominis cum non
 pauci Sancti in Polonia florissent, eosdem in vnum codicem libuit compinge
 re. Namq; praeter illum qui nobilis ex gente Scepanouiorum Episcopus Crae,

PRÆFATIO.


Martyr gloriosus fuit: Stanislaus Hosius vir pius, ac verè sanctus, Romane Ecclesiæ Cardinalis, Varmien: Episcopus, magnâq; scientia præditus, demum in Concilio S. Tridentino ferè Princeps, nostra memoria vixit. Quid in eo magis laudem, doctrinam, an sanctimoniam, hauri inuenio. Iam verò Stanislaus ex styrye inclita Costkorum, Societatis IESV, quantum fulget. Is non tantum Romæ, in Italia aut Polonia partibus, aliisq; prouinciis finitimis miraculis claret, verum in orbis noni regionibus Indicis inter Barbaros eius nomen multis prodigijs sonat, & plerosq; gentiles ad fidem Christi conuertit. Quid de te Stanislae Casimiriensis loquar? Quæ te laude sub astra vehit? Tu enim Canonicus Regularis S. Augustini Casimirie penes Cracouiam fuisti. Tu in vita miraculis claruisti, nunc etiam post fata splendescis. Tu in Cathalogo primum obtines locum, quia necdum es à quoquam celebratus, nec longè abesse ab vrbe voluisti. Hoc ego opus perfectum non sub alterius auspicijs in lucem prodire, quàm sub tuis Reuerend. Abbas decreui. Cui enim D. Stanislaos quàm Stanislaos Polonos, quàm Polonos, plerosq; Nobiles, quàm Nobili offeram? præsertim quòd religio tua pietasq; in Deum, Sanctos, ac patriam pateat vniuersis. Liberalitas verò tanta est in pauperes, religiosos, adeoq; omnes, vt soli videatur addere lumen, qui verborum hac in re cupiat esse. Qualis in Canonicatu Crac. vixeris, quam disseruore in Deum & Sanctos arseris, quam fidem Regi probaueris, omnium testimonio constat. Preinde Sereniss. Rex & publico muneri te prefecit, & Abbatis officio præstantissimo dignum esse censuit. Accipe itaq; hoc minusculum & opusculum, exiguum quidem, sed ab animo excelso profectum. Accipe Stanislaum Casimiriensem, vel imprimis, alios deinceps, & indiages Sanctos, quod facis, amplectere. Me autem clientem, velis esse tuum. Ego dum viuas, ijs, quos descriptos nunc offero, te semper commendabo, vt eorum subsidio apud Deum, hic feliciter viuas & vitam sanctè, hominum sanctorum exemplo tranfigas. Futurum ita, vt mercedem, quam illi consecuti sunt, obtineas. Vale Abbas dignissime. Dat. Crac. domi Reuerendi Domini Hieronymi Reczyjski, Archidiaconi Crac. iij. Idus Septemb. 1609.


Perillustri & Reuerend.

Celjatud. vestre

deditissimus

Martinus Baronijs
Iaroslauen. Cleric⁹

OMNIA IUDICIO

Omnia iudicio Censuræ ac au-
thoritati Sanctæ Romanæ & Ca-
tholicæ Ecclesiæ, pro qua & in qua
militamus, & Sanctissimo eius An-
tistiti PAVLO Quinto Pontifici
Maximo, cui nunc ille pie & san-
ctæ præest, subiecta esse volu-
mus. Cuius benedictioni, no-
strosque conatus commendamus
feliciter.



DIVVS STANISLAVS HOSIVS

*Polonus, Cardinalis & Episcopus Warmiensis, libro I,
Confessionum cap. 53.*

Non ignoratis Apostolos vestros Polonos,
Sanctum Stanislaum, & Sanctum Adal-
bertum Episcopos, quorum admirabilis
vitæ sanctimonia, toti orbi testata, quod
illi nobis Sanctum Euangelium sanguine
suo signatum reliquerunt, quod miracu-
lis propagarunt, Ecclesiam Dei Catholi-
cam, ac fidem nos Christi Catholicam
docuerunt Non Lutherus, non Calui-
nus, non Bucerus, non Stancarus, ne-
que vnus ex Hæreticis, sed Patroni no-
stri sancti nos fidem Catholicam docue-
runt, non extranei, sed Poloni.

Reuisa & examinata est ab his Reueren-
dis Patribus. Inprimis:

A Reueren. Patre fratre Stanislao Vierzbicki, Generalis totius Reli-
gionis Canoniorum Regularium, sancte Marie de Metri, de pœnitentia be-
atorum Martyrum Dini Augustini, Cracouie

A R. Patre Fratre Stanislao Maniecki, Ordinis Canoniorum Regu-
larium Beati Augustini, Præposito Ecclesie Corporis Christi, Cosniriæ.

A R. Patre Fratre Stanislao Vilico Romano, Ordinis sancti Pauli primi
Eremitæ, Priori Pinczouienfi.

A R. Patre Fratre Stanislao Staregowski, Ordinis Eremitarum, sancti
Augustini edittuo sancte Catherinæ Casimiriæ.

Ac per Reuerend. Dominum Patrem Andream Schoncum, S. T. & ius-
ris utriusq; Doctorem, Vniuersitatis Cracouien: Generalis studij Rectorem ap-
probata, inque lucem p̄cederetur permissa.

AD LECTOREM,

Candide Lector, hæc fideliter extra-
cta ex Cathalogo Sanctorum & Beato-
rum Regni Poloniæ Patronorum, Romæ
a Magistro S. Apollolici Palacii approba-
to, & Cracouix Anno 1603 reuiso, boni
consule, quæ aliàs citó Latino & Polonico
sermone edita Deo volente habebis.

Vita.

Vita, Gesta, & Miracula,
BEATI STANISLAI

EX CASIMIRIA CRACOVIE: ORIVNDI

*Ordinis Canonorum Regularium, Lateranensium S. Sal-
uatoris Ordinis S. Augustini, ac Viceprioris Conuen-
tus Sacratiss. Corporis Christi, Casimiria.*



BEATUS STANISLAVS

Polonus, originem suam duxit ex Casimiria, quæ est contigua Cracoviæ Ciuitas, honestis B. Stan-
prognatus, parentibus, pietateque conspicuis. *Stanislai pa-
patre Matthia Soltys cognominato, textoriæ rentes.*
artis professo, ac Consule Casimiriense: matre
verò Hedvigi femina deuotissima, natalem eius illustrem effecit.
Solennis apud Polonos dies, translatione corporis Sancti Stani-
slai Episcopi & Martyris, ex templo supra martyrium exedifica-
to ad augustiorem Cathedralis Arcis ædem, in eo statim à primis
in cunabulis, mira quædam pietatis ac religionis semina emicu-
erunt. Nam quamprimùm per ætatem licuit, Academiæ Craco-
uiensi, bonarum artium ac disciplinarum gratia à suis commen-
datus, tantos ibidem tamque stupendos progressus breui tempo-
ris spatio fecit, vt omnes æquales ac coætaneos suos, multis
post se parasangis, cum admiratione haud modica præcepto-
rum derelinqueret. Pulchram autem à Deo animam nactus
animaduertens, haud tuto scorpionibus cohabitari, religiosum
vitæ genus, sub Regula Sancti Augustini, apud Canonicos Regu-
lares Lateranenses, magna animi cum auiditate amplexatus est,
pauperiem Christi, vanis ac fluxis mundi pollicitationibus præ-
denter

*Natus an-
no 1433.
27. Sept.*

*Acade-
mie Cra-
coviensis
studiosus*

Matth. 50 denter anteponeus. In consortium itaque seruorum Dei receptus tanquam lucerna supra candelabrum posita, vite sanctimonia, abstinentia victus; multa que reliquarum virtutum luce, ita subito splendescere cepit; vt superioribus virtutibus eius impulsus sine mora illum, primo in ordinarium verbi diuini apud *B. Stanislaus Præ* uentualem Ecclesiam suam præconem, paulò post quoque sacre *dicator*, pagine ad fratres suos Lectorem publicum, ac denique ita vrgentibus maximis eius meritis in Vicepriorem Conuentus Corporis *Vicepri-* Christi, vnanimi consensu adoptarent. In quo dignitatis gradu *or.* constitutus, quàm vberem messem animarum, tum ignitis ac zelosis concionibus, tum sancta & exemplari vita, apud conciuos suos collegerit: dici vix potest; nec enim ita in procliuu positum reor, exactum in via numerum eorum, qui doctrina ipsius sancta que conuersatione, ex scelerum ac flagitiorum laconis extracti, ad salutarem pœnitentiam, veramque vite emendationem traducti sunt. Ea quippe præpotentis Dei gratia, super illum luculenter irradiabat, vt omnes amabili quadam ac periucunda morum ipsius suauitate illecti, eum tanquam communem parentem, plusquam filiali affectu prosequerentur. Hinc factum vt quotquot essent, tum vitæ instituto, tum morum consonantia ipsi persimiles, minimè sese à calore amicitie eius abscondere valerent, quin subito dexteris illi concederent, sancta que laborum ac consiliorum communionem, ipsum ad opus Euangelii instantius perurgendum fortiter instigarent. Inter quos Sanctitate præcipue extiterunt: Primus *B. Simon de Lipni* B. Simon de Lipnica Ordinis S. Francisci de Observantia minorum, qui decem mortuos vitæ restituisse creditur, Cracouie in templo fratrum suorum quiescens, Alter Beatus Michael Gedrucius Canonicus Regularis S. Augustini, Ordinis S. Marie de Metri de Pœnitentia Beatorum Martyrum multis itidem miraculis clarus, ac quatuor mortuorum resuscitator percelebris ad S. Marcum à fratribus sui Ordinis honorifice

CONFESSORIS CASIMIRITANI. 11

norificè conditus. Tertius quoq; Beatus Ioannes Cantius Aca- B. Can-
 demix Cracouiensis Professor, ac Sacrosanctæ Theologiæ Do- tius,
 ctor, viginti sex mortuorum resuscitator magnificus, apud S.
 Annam Academiae templum decenter satis tumultus. Quar- B. Sued-
 tus deniq; Beatus Suentoslaus Mansionarius, exequutor testa- toslaus,
 mentorum, cui adhuc in viuis agenti in Ciuitate Slawkow,
 Sanctus Stanislaus Episcopus & Martyr apparuit: cuius reliquix
 similiter Cracouix in æde Diuæ Virgini Sacra, ad forum religio-
 sè venerantur. Quintus Beatus Esaias Cracouiensis, Sacre The- B. Esaias
 ologiæ Doctor, Ordinis S. Augustini Eremitarum ad S. Cathe-
 rinam Casimiræ, duorum mortuorum resuscitator, & plurimo-
 rum infirmorum sanator proficuus. Sed vt vnde digressa est mea
 reuertatur oratio. Beatus hic Stanislaus noster supra reliqua-
 rum virtutum cumulum, mira insuper solertia, & vigilantia præ-
 ditus fuit, quoq; se ab humanis laudibus occultaret facilius, no-
 tu singulas infirmorum fratrum cellulas adibat, & benedicens
 ipsis signo Sanctæ Crucis in osculo pacis, ac solatia spiritualia
 sanctaq; monita iisdem impertiens, subinde hæc & similia repe-
 tens verba. Fratres charissimi, oportet nos per multas tribulati-
 ones introire in Regnum cælorum, necessaria quoq; si opus erat
 oportune ipsis ministrabat. Eandem quoq; consuetudinem in Acto. 14
 visitandis secularibus ægrotantibus, haud segnius vsurpabat,
 omnibus enim debitorem se arbitrabatur, nulli quantum ab
 ipso erat subtrahens viscera compassionis, ac vitæ documenta
 salubria. Nocte indutus cilicio nuda humo incubans, somnum Gen. 28.
 capiebat, supposito capiti loco cervicalis saxo durissimo: breui
 degustato somno, iterum surgebat ad pernoctandum in oratione
 sancta, Deique iustificationibus sese exercendum instantius. Di-
 ebus quoque solenni ieiunio ab Ecclesia dicatis, frequenter con- Judith 4
 spectus fuit, abiecta tunica ac cucullo sacco tantummodo indu-
 tus incedere, integram hebdomadam bina solummodo refectio-

ne, in pane hordeaceo, & aqua frigida terminare diuensum suum quotidianum, residuum pauperibus larga manu interim distribuendo. Tam rara vigilantia præditus fuit, ut nocturnas fratrum vigiliis vnus omnium semper anticiparet; nonnunquam quinquagenos, sæpè etiam integrum ex ordine Psalterium, ante Matutinas expediens. Cibum non nisi flexis genibus ac Oratione Dominica pro viuis ac defunctis recitata capiebat: spiritum suum assidue scopebat meditatione sancta, statuens si in conspectu Domini & B. Marię virginis, cui singulari quadam deuotione addictus erat. Hinc cum aliquando in Ecclesia Sancti Stanislai loco vbi Martyr Christi pro veritatis & Ecclesię Dei defensione trucidatus fuit (habebat enim hoc in more positum, ut singulis feriis sextis quoad viueret, sepulchrum Christi Martyris deuotè visitaret) insolito quodam spiritus impetu correptus, preces suas feruentius perageret, meruit videre gloriosam Virginem Mariam, puerum Iesum brachiis suis claudentem, stipatam glorioso Episcopo & Martyre Stanislao Pontificalibus sollempniter induto, concommitante insuper innumerabili Sanctorum cohorte, in hæc verba eum compellantem. Gaudeo fili Stanislæ, de insigni isthac deuotione tua, qua me vnà cum Sancto Stanislao Patrono tuo, indefinenter prosequeris. Ideò tibi dico, viriliter age, & esto robustus: te enim vnà cum Sanctis meis merces copiosa expectat in cælis, hisq; dictis disparuit. Ex qua die ita strictè silentium obseruare visus fuit, ut à Completorio vsque mane alterius diei, nonnisi prima peracta, nullus vnquam ex ore ipsius elicere potuerit, qua absoluta, Causarum audientiæ se dabat, aut si ab his vacare contingeret, vsq; dum missæ tempus appropinquaret. Eloquiis Dauidicis solitarius cum Deo confabulabatur. Quotiescunq; Sacro Sanctis Altaribus assistit oblationem peracturus, nunquam homini verbum locutus noscitur. Sacra Synaxi peracta, aut labori manuum se dabat, aut de scri-

psuris

CONFESSORIS CASIMIRITANI.

13

Ad Eph.

4.

pturis Sacris cum sibi charissimis fratribus conferebat. Hisq; & similibus Sanctis exercitiis deditus, neququam tamen consuetum prædicandi munus intermittebat, docens, increpans, obsecrans, cum multa humilitate & patientia. Verba autem ad populum faciens, hæc inter alia frequenter iterare solebat. Tu qui missam audis, & à sine recedis, nulla merces datur, quia laus Divini Officii in sine probatur. Deniq; multis pro Christi nomine exantlatis laboribus, tandem in grauem infirmitatem incidit, quam ob exaustas nimia abstinencia, ac vitæ rigore vires de die in diem magis inualecente, à Domino se ad requiem vocari hand obscure persentiens, ingenti lachrimarum imbre effuso, diuinæ sese mitericordiæ ac protectioni feruentissimis precibus commendare cepit. Cui ita in oratione posito, subito apparuit Dominus & Saluator noster, vna cum gloriosissima virgine Maria ac multis aliis Sanctis Regni præsertim Poloniæ Patronis, blande illum hæc verbis compellans, Surge & festina fili mi Stanislæ, hodie enim tecum eris in Paradiso. Quo exoptato nuntio percepto, subito de lectulo sese proripiens, sine mora Sacramentis Ecclesiæ præmuniri voluit, quibus ritè & ex ordine summa cum deuotione perceptis, conuocatis fratribus suis in Christo charissimis, pacisq; osculo salutatis, erecta manu eisdem benedicens, manusq; singulis imponens in hæc verba iisdem valedixit. Benedicat vos Dominus Deus noster. Pater & Filius & Spiritus Sanctus Amen. & det vobis suam sanctam pacem, Charitatem perfectam, Conuersationem sanctam, & pios mores, insimul omnibus, in secula seculorum, Amen. Quibus dictis prostratis in terram genibus, manibusq; in formam Crucis expansis, fixis in cælum oculis Castissimã animã Deo cõmendauit. Vltima verba hæc emittens: Domine Iesu Christe Fili Dei viui. In manus tuas commendo spiritum meum, sicq; animam Domino Deo reddidit, 1489. Iunij 7. Sepultus

Luc. 22.

Luc. 24.

Psal. 66.

Reg. 8.

Act. 7.

est cum summo honore & timore Domini, cum gaudio & letitia omnium non sine Miraculis ibidem Casimiræ in Ecclesia sacratissimi Corporis Christi apud suos fratres &c. Incidit eius obitus, in Tempora Leonis Papæ X. Maximiliani primi Romanorum Imperatoris. Casimiri 4. Regis Poloniæ, atque D. Stanislai Friderici, Sacræ Romanæ Ecclesiæ Cardinalis, Episcopi Cracovien-
 Exempla. staus Hoiensis, & Archiepiscopi Gnesnensis; eiusdem Casimiri 4. filius Car-
 Regis Poloniæ Filius. Cuius Sanctæ Vitæ exemplo, in eodem Monasterio fratres eiusdem Ordinis, in Sancta perseverantia
 Conf. viuunt, die & nocte humiliter Deo seruiunt, pro viuis & defunctis orant, perpetuum silentium cum magna humilitate
 cap. 68. obseruant, contemplationibus diuinis, ieiunatis, disciplinis, Stanislai
 us Soco- secundum præscriptum Regulæ Diui Augustini, corpus suum
 louius Ca- lacerant, singulis diebus pauperibus ad eos confluentibus hi-
 non. Cra- lariter, largam Eleemosinam distribuunt, Ecclesiam Dei do-
 Tom. 1. cendo, Confessiones excipiendo promouent, plurimos studi-
 lib. 2. ca. olos alunt, vt ex his Seminarium perpetui cultus Diuini habe-
 s. 6. re possint, mercedemque à Deo sempiternam pro meritis suis recipere in die iudicii Dei expectant.

Cuius Epitaphium in sepulchro ipsius, ex antiquo & oblitterato caractere ea qua potuimus fide collegimus, & suis numeris reddimus.

Hoc conclusa latent Diui Patris ossa sepulchro:
 Stanislai hac Casimiria de gente creati,
 Cuius erunt meriti miranda æterna trophæa.

Latatusque est populus, cum vota sponte promitterent; quia corde toto offerebant ea Domino Deo. 1. Paralip: 29.

Sequun-

✠

Sequuntur miracula, quæ Deus operatus
est per merita pij & Beati eiusdem Patris
Stanislai Confessoris Casimiritani.

PRIMUM MIRACVLVM.



IN Ciuitate Casimiriensi, quædam fœmina
nomine Regina, vxor Clementis nigri tex-
toris, fluxum sanguinis & aliam infirmita- *A fluxu*
tem fœmineam, longo tempore passa fuit. *sanguinis*
Et cum illa diu iaceret, apparuit ei Beatus *sanatur.*
Pater Stanislaus, consolans eam, atque di-
cens: Cur hîc iaces in tua infirmitate? Va-
de igitur ad sepulchrum meum, & ibi continuo recipies sanita-
tem: & dic fratribus meis, vt eegant sepulchrum meum tapete,
quæ protinus adiit sepulchrum, & ibidem flexis orans genibus,
continuo integram recepit sanitatem.

SECUNDVM.

IN eadem Ciuitate, in Monasterio Canoniorum Regularium
Ordinis D. Augustini, fuit quidam frater conuersus, nomine
Nicolaus, qui valde in graui infirmitate iacens, de sanitate pro- *A graui*
sus iam desperabat. Iacenti igitur semel in lectulo suo, apparuit *infirmitate*
sibi Beatus Pater Stanislaus, in optima rubea cappa, gestans li- *te libera-*
bellum pulcherrimum in manibus, & salutans infirmum, agebat *tur.*
ad eum: Noli desperare de salute tua, quia sanaberis, & adhuc
fratribus tuis seruias. Cumque illè euigilaret, statim sanum se
inuenit.

TERTIVM.

IN eadem Ciuitate, quædam fœmina, nomine Anna, coniunx
Stani-

A graui infirmitate liberatur.
 Stanislai Crausz, in magna infirmitate ac debilitate iacens, & iam non sperans yltiorem vitam suam, Sacramentis Ecclesie iam præmunita. Igitur vir eius recolens merita beati Patris Stanislai, deuouit eam ad sepulchrum eius, cum Missa, lumine, & camissia, pro signo sanitatis: & cum votum emisisset, statim sanitatem recepit.

Q V A R T V M.

A lesione ne corpore sanatur.
 In eadem ciuitate Stanislaus filius suprascripti Stanislai Crausz, ex quadam lesione corporis sui magna infirmitate pressus, & iam agonizans. Igitur cum mater ipsius eum deuouisset ad Sepulchrum beati patris Stanislai cum Missa, lumine, & insignio cereo: mox cum votum emisisset, conualuit.

Q V I N T V M.

A magna infirmitate sanatur.
 In eadem ciuitate, quidam adolescens, nomine Ioannes, filius Venceslai Wyka Lanionis, in sua magna infirmitate iacens, iamque penè agonizans: cuius mater, recolens meritum, nec non sanctitatem beati Patris Stanislai, deuouit eum ad Sepulchrum ipsius, cum Missa ac candela, & quod ad modum crucis deberet iacere supra Sepulchrum ipsius, per illam integram Missam, statim sanus effectus est.

S E X T V M.

A graui infirmitate sanatur.
 In eadem Ciuitate, quædam mulier nomine Agnes, coniunx Michaelis Galhor Lanionis, in magnis infirmitatibus ac debilitatibus, cursum vite sue faciens; ita ut iam haud exiguam summam in medicos & antidote expendere. Ipsa videns ac audiens, quomodo Deus præpotens, per merita Beati Patris Stanislai, multa signa, & multos homines sanat, votum fecit ad Sepulchrum Beati Patris, cum Missa & candela, & statim cepit melius habere, conualuitque illico. Sed quia hoc miraculum, quod Deus per merita istius beati Patris operatus est celauit, & illud non mani-

CONFESSORIS CASIMIRITANI. 17

manifestavit, idè propter illam ingratitude in pristinam
cecidit infirmitatem, sed cum spondit quòd illud miraculum
vellet publicare, & votum primum repetere, statim conualuit.

SEPTIMUM.

IN Ciuitate Casimiriensi, quædam mulier Margareta nomine,
uxor Felicis Consulis, in magno dolore existens, & opilatio- *A dolore*
ne pectoris, ita quòd vno die, quasi semimortua ad lectum *pectoris*
delata fuisset. Igitur ipsa voto facto, ad sepulchrum B. Patris *liberatur*
Stanislai, cum Missa ac signo cereo statim post emissionem
voti conualuit.

OCTAVVM.

IN eadem Ciuitate, quædam mulier nomine Catherina, con- *A dolore*
iunx Andreæ calui Sartoris, magnum oculorum dolorem *oculorū*
passa fuit, ita vt præ dolore modicum videre potuerit. *Que sanatur.*
voto facto, ad Sepulchrum beati Patris Stanislai cum cereali
& oculis cereis statim conualuit.

NONVM.

EXtra muros Casimirienses in Podbrzezie, quædam fœmina *A magna*
nomine Catherina, vxor Nicolai piscatoris, in tam magna *infirmitate*
infirmitate & opilatione posita erat, vt iam spirare non potuit: *te sana-*
Sed cum quædam bonæ matronæ eam deuouissent ad Sepul- *tur.*
chrum beati Patris Stanislai cum Missa & candela, in instanti,
reuerfa ad seipsam conualuit.

DECIMUM.

IN Ciuitate Casimiriensi quædam vidua nomine Dorotea reli- *A dolore*
cta Paczoska futoris, magnum dolorem, longo tempore, *pedis li-*
cum tumore in cruce ac in toto pede passa fuit. Similiter etiam *beratur.*
magnum dolorem oculorum. Et illa recolens meritum & san-
ctitatem beati Patris Stanislai, votum fecit ad Sepulchrum ipsius

C

cum

cum pede atq; crinali cereo, & quàm cito votum adimplevit,
in utroq; sana effecta est.

V N D E C I M V M.

A dolore **I**N eadem Ciuitate, quædam vidua nomine Margareta de do-
brachij sa **L**mo Poclaryn, tam acerbum dolorem brachii passa fuit, vt
natur. nec laborare nec dormire potuit. Igitur pro sanitate sua, vo-
tum fecit ad Sepulchrum beati Patris Stanislai, cum brachio
cereo statim conualuit.

D V O D E C I M V M.

A magna **I**N taberna contigua villæ Lagiewniki, quidam tabernator
infirmis **I**nomine Stanislaus cognomento Chudy, in tam magnam &
de curas **v**alidam infirmitatem incidit, vt iam vltierius se superuicturum
cur. nequaquam speraret. Igitur cum iam Sacramentis Ecclesiæ
procuratus fuisset, iamq; omnibus ad sepulturam necessarijs
præparatis, venit quidam Sacerdos consultum sibi volens, vt
pro sanitate recuperanda, votum faceret ad Sepulchrum Diui
Patris Stanislai cum Missa ac candela. Quod cum fecerat, sta-
tim sanus effectus est. Et hoc idem Sacerdos testatus est,
qui eundem tabernatorem sequenti die post votum suum visita-
uit, & eum in campo laborantem inuenit.

D E C I M V M T E R T I V M.

A dolore **I**N Ciuitate Casimiriensi, quædam femina nomine Catherina,
oculorū **v**xor Ioannis Krawa Ianionis, ita magnum in oculis defectum
liberatur patrebatur, vt longo tempore, parum aut ferme nihil viderit.
Voto facto ad sepulchrum beati Patris Stanislai cum Missa &
crinali & oculis cereis, statim illuminata est in oculis.

D E C I M V M Q V A R T V M.

A graui **I**N eadem Ciuitate, Ciuis quidam, nomine Stanislaus, co-
gnomento Gamemiz textor, habuit pueram valde infirmam,
qui

STANISLAI CASIMIRITANI.

19

qui præ debilitate, veluti mortuus iacebat. Sed cum eum pater suus deuouisset ad sepulchrum beati Patris Stanislai, cum Missa & candelâ, ille puer statim conualuit.

infirmi-
te sana-
tur.

DECIMVM QVINTVM.

IN Ciuitate eadem, quædam mulier, nomine Barbara, coniunx Georgii Lanificis, cum magnum oculorum dolorem pateretur, ita ut præ acerbissimo dolore, nihil penitus agere potuerit. Illa sedens solitariè, recoluit meritum beati Patris Stanislai, & quomodo per ipsius intercessionem, multi hominum infirmi, à variis languoribus curantur. Votum & ipsa fecit, ad eius sepulchrum cum crinali & oculis cereis, dolor ille statim cessauit, & post modum optime vidit.

A dolore
oculorū
sanatur.

DECIMVM SEXTVM.

E Adem femina habuit puerum valde infirmum, qui nec mori nec conualescere potuit, tedio affecta, mortem puero, imprecabatur. Tandem ipsum, ad tumbam beati Stanislai cum Missa & lumine vouit, & statim perfecta sanitate releuatus est.

A graui
infirmi-
te sana-
tur.

DECIMVM SEPTIMVM.

Nicolaus cognomento Lysy de Casimiria, cum in Iudicio Terrestri aliqui domini, causam procuranti durè locuti fuissent, minasq; aliq; id genus, minitendo: quorum verbis perterritus factus est veluti amens. Votum fecit ad B. Stanislai, illos omnes aduersarios vicit, causam quoq; ad felicem finem perduxit.

A pericu-
lo libera-
tur.

DECIMVM OCTAVVM.

Iacobus Lanio de Casimiria, coniunx Hedwigis Schonmatz, ab infirmitate laborans, mortem immere sibi cernens, Sacramento Eucharistie & Vnctionis perceptis, iam agonizans ad sepulchrum pii Patris Stanislai, per vxorem cum Missa & lumine

Ab infir-
mitate se
natur.

lumine deuotus, qui statim vires recuperare cepit.

DECIMVM NONVM.

Etiam ab infirmitate curatur.

HOc idem miraculum factum est in Miklasz Wlosaty Casimiræ.

VIGESIMVM.

A dolore oculorū sanatur.

MArgaretha relieta, Ioannis Frelich Ianionis de Casimiria, longo dolore oculorum vexata, lumen amisit. Quæ votum vouit ad tumbam beati Stanislai cum crinali & oculis cereis, ac 50. Pater noster, statim soluto voto, sensit leuamen, & in breui perfecte vidit.

VIGESIMVM I.

Partum feliciter peperit.

CAtherina vxor Petri Bargielsartoris de Casimiria, partu periclitans, cum parere non posset, ad auxilium pii Patris Stanislai cum Missa confugit & statim sine difficultate peperit.

VIGESIMVM II.

Ab infirmitate sanatur.

CAtherina Rakowa de Cracouia, in die Pentecostes, in magnam incidit infirmitatem, in qua quinq; septimanis iacuit, medicis interim ipsam procurantibus, qui inualecente ægritudine, de salute eius desperabant. Hanc filius suus Magister Artium ad Sepulchrum beati Stanislai cum Missa & cereo vouit, & pristinae sanitati restituta est.

VIGESIMVM III.

A pustulis curatur.

DOmina Catherina de Biezanow, pustulas in manibus habens nihil in manum recipere valens, ita vt ab aliis mulieribus cibaretur: votum faciens, cum Missa & lumine, curata est.

VIGESIMVM IIII.

Etiam a pustulis curatur.

HOc idem factum est cuidam ancillæ de Cracouia.

STANISLAI CASIMIRITANI.

21

VIGESIMVM V.

Michael quidam socius Scholæ Corporis Christi in Casimiri-
ria, magnis febribus laborans, voto facto, sanatus est.

A febribus sanatur.

VIGESIMVM VI.

Sophia relicta Mathiæ Polgatz pistoris, & Consulis de Ca-
simiria dolorem vehementem in crure habuit, deuouit se
ad tumbam beati Stanislai, cum tribus accensis candelis, orando
Pater noster, & totidem Aue Maria, audiendo Missam ad
finem, quæ à casu ibidem legeretur, post benedictionem sa-
cerdotis, sanam se inuenit.

A dolore cruris sanatur.

VIGESIMVM VII.

Dorothea coniunx Laurentii Muratoris de Casimiria, cum
valde infirmaretur, votum faciens cum Missa & cereo, sanata est.

Ab infirmitate sanatur.

VIGESIMVM VIII.

Hoc idem factum est, Dorotheæ Begnie de Casimiria.

Etiā ab infirmitate curatur.

VIGESIMVM IX.

Ioannes Nykiel Lanio de Casimiria, cuius puer tantæ agritudi-
ne laborabat, vt nullum membrorum mouere posset, quem cum
& cereo, cepit habere melius, & ad integram sanitatem venit.

Ab infirmitate sanatur.

TRIGESIMVM.

Stanislaus Kanszych Consul de Casimiria, sæpius coram
hominibus dicebat, quod non crederet aliquem infirmum, meritis
beati Stanislai posse curari, nisi idem ipse in se experiret.
Hunc Deus puniuit subito, tantam squinantiam habuit,
vt nedam cibum aliquem, sed nedum saliuam glutire potuit.
Cognoscens igitur esse ultionem Diuinam, ob irrogatam iniuriam
beato Stanislao, quem contra ore suo blasphemauit, ve-

Detrahitur.

MIRACULA BEATI

nit humiliter ad sepulchrum ipsius, cum cereo & Missa, veniam postulans pro excessu, & in momento sanatus est. Qui prius Blasphemus sui, & persecutor ac contumeliosus, sed misericordiam Dei consecutus sum quia ignorans feci, in incredibilitate mea.

1. Tim: 1.

TRIGESIMVM I.

Ab infirmitate sanatur. Catherina de Cracouia, filia Margarethæ Felicis de Casimiria, filiam suam valde infirmam deuouit ad sepulchrum beati Stanislai, cum signo cereo & Missa, quæ ab illa ægritudine liberata est.

TRIGESIMVM II.

A dolore oculorū sanatur. Catherina de Clepardia relicta Augustini lanificis de Casimiria, cum atrocissime oculos doluisset, votum fecit ad sepulchrum beati Stanislai cum crinali, & oculis cereis. Et quia pauper erat, votum implere non potuit, & in acro dolore peruersanti, apparuit sibi B. Stanislaus, habens in manu crinale cum oculis cereis, & dans ei, dixit: Audiui votum tuum & intellexi affectum, quia cum pauper sis non potes soluere. Accipe igitur hoc crinale, & pone supra sepulchrum meum, & manifesta hoc signum, vt inde Deus glorificetur, tu verò cum ad sepulchrum meum veneris, integrè sanaberis.

TRIGESIMVM III.

Ab inflatōe sanatur. Iacobus seruitor Ecclesie S. Leonardi, exera muros Casimirienses cum à planta pedis, usque ad verticem capitis inflatus, vt planè creperet, videns se esse in mortis periculo, inductus per Præpositum eiusdem Ecclesie, votū fecit cum insigni cereo, humanam habente effigiem ad tumbam beati Stanislai cum Missa & candela, statim inflatura capit recedere, & soluto voto, sanatus est.

Trigesimum

STANISLAI CASIMIRITANI

TRIGESIMVM III.

Valricus mercator de Cracovia cum grauitate infirmaretur, Ab infirmitate curatur.
 ab vxore sua deuotus erat ad tumbam beati Stanislai cum
 Missa & signo cereo, statim cepit melius habere, & votum
 reddens, sanatus est.

TRIGESIMVM V.

Stanislaus Schordiel Ciuis de Casimiria, habuit quendam ma-
 gnum dolorem in brachio; ita vt manum pre dolore leuare A dolore brachij sanatur.
 non posset, quem dolorem sustinuit ad sex septimanas, nullum
 videns leuamen, votum fecit ad tumbam beati Patris Stanislai,
 cum Missa & manu cerea, votum soluens, sanatus est.

TRIGESIMVM VI.

Agnes vxor Bialhor Ianionis de Casimiria, cum pra magna A dolore oculi curatur.
 tristitia & stert vnus oculus pellicula obduceretur, vt nihil
 eo videret, ad auxilium pij Patris beati Stanislai confugit, cum
 crinali & oculo cereo, statim illa pellicula defluere cepit, &
 nihil tandem nocuit.

TRIGESIMVM VII.

Eadem Agnes cum maximas punctiones, in toto corpore A punctione curatur.
 haberet, vt nec iacendo, nec stando; nec sedendo, nec
 ambulando quietare posset; vouit imaginem ceream, cum Missa
 ad tumbam beati Stanislai & in instanti omnis dolor recessit.

TRIGESIMVM VIII.

Catherina vxor Nicolai K. sochleba ciuis de Casimiria cum
 maximum dolorem cordis, & totius corporis passa fuit, votum A dolore cordis sanatur.
 vouit ad sepulchrum beati Patris Stanislai, cum corde cereo,
 statim dolor cessauit. Quae voto impleto, beneficium sanati-
 onis non manifestans, statim eodem dolore correpta est, &
 intelligens ob ingratitudinem & taciturnitatem illius miraculi
 Deus

Deus sibi iratum, mox votum repetiuit cum lumine & Missa ac beneficii tanti protestatione rursus, sanata est.

TRIGESIMVM IX.

*Vacca re
uixit.* **D**orothea vxor Mathiæ Hortulani ante Casimiriam habens vnā vaccam, quæ per tres dies ad interitum infirmabatur, nec vllum capiebat pabulum, pauper illa mulier contristata ad tumbam pii Patris Stanislai, cum lumine Missa & signo cereo se contulit, & statim vacca cum ingenti mugitu surrexit, quam mulier putans sitire, arrepto vrceo, ad fontem properrauit, & festinando falangam trahendo, fregit & vrceum conculsit, quæ anxia de vacca, ne siti moreretur, ad auxilium pii Patris confugit, & statim falanga, pariter cum vrceo redintegrata sunt, & allata aqua, vacca refecta, sanata est. Inquit *Mat. 15.
Luc. 8.* Christus: O mulier magna est fides tua, fiat tibi sicut vis, & sanata est ex illa hora.

QVADRAGESIMVM.

*A dolore
pectoris
iberatur* **R**aphael Smigmator Consul Casimiriensis, cum magnum dolorem cordis & pectoris haberet, cum lumine & corde cereo, & Missa ad auxilium Pii Patris cofugit, & sanatus est.

QVADRAGESIMVM I.

*Ab inflā-
matione
curatur.* **M**argareta vidua de Regali ponte, habens puerum 4. Annorum inflatum & morti propinquum, cum Missa & lumine illum ad sepulchrum Pii Patris Stanislai vouit, voto expleto, mox puer ille, totaliter conualuit.

QVADRAGESIMVM II.

*A dolore
dentium
sanatur.* **Q**uædam vidua de Cracouia, nimio dolore dentium vexata, beneficia Pii Patris Stanislai in memoriam reducens, se ipsam cum Missa, lumine & cerea mandibula, ad tumbam ipsius deuouens, placidam assecuta est sanitatem.

Quadrage-

STANISLAI CASIMIRITANI.

25

QVADRAGESIMVM III.

CAtherina vidua de Cracouia, dolore dentium grauer per triduum vexata, per votum ad sepulchrum ipsius, mox liberata est. A dolore dentium liberatur

QVADRAGESIMVM IIII.

Iacobus Obaio de Pychouice, præ dolore oculorum, ad longum tempus cæcus exitit: qui cum cereo crinali & oculis cereis, ac Missa ad sepulchrum beati Stanislai se deuouit, mox sanatus est. A dolore oculorum liberatur

QVADRAGESIMVM V.

Margaretha virgo, filia Gawron de Cracouia, magno oculorum dolore obsecabatur, quæ cum candela, cereo crinali, & oculis cereis ac Missa ad tumbam beati Stanislai se contulit, & statim dolor oculorum cessauit: sed quia dona Dei quæ in Sanctis suis laudari uult, tacuit, brachium dextrum uehementer dolor occupauit, cognouitq; per ingratam taciturnitatem se correptam ad eundem Beatum Stanislauum confugit, & petit beneficium præstitum sermone patefieri, statim omnis languor euauit. A dolore oculorum sanatur.

QVADRAGESIMVM VI.

Margareta mater Stanislai Fard, Fratris domus nostre, sæpius dolore pedum vexabatur, quæ à prædicto filio suo præmonita, ut se cum Missa & signo cereo beati Patri Stanislao committeret: quò facto ab hinc à prædicto dolore fuit liberata. A dolore pedum curatur.

QVADRAGESIMVM VII.

Albertus Lutifigulus de Casimiria febre acuta vexatus, per votum ad sepulchrum Pii Patris Stanislai, liberatus est. A febre sanatur.

QVADRAGESIMVM VIII.

Margareta Troperen de Cracouia, habens puerum valde infimum

D

infimum

Ab infir- infirmum, votum faciens cum Missa candelae, & signo cerco-
mitate sa ad Sepulchrum beati Stanislai, puer postquam rediit, plene
natur. sanus repertus est.

QVADRAGESIMVM IX.

A dolore pectoris liberatur Dominus Iacobus Prior, cum adhuc esset Procurator Mona-
sterii nostri, in pectore habens grauem dolorem, vouit se
Missam ante sepulchrum eius celebraturum, qua finita, sanus
effectus est.

QVINQVAGESIMVM.

A squina- Eodem tempore, Mathias Cocus, Monasterii nostri, squi-
tione nantiam habens, nihil deglutire potuit: qui se, cum Missa
liberatur & lumine ad sepulchrum ipsius promisit; mox squinantia
recessit.

QVINQVAGESIMVM I.

A dolore pectoris sanatur. Dorothea relicta Mathie Paczowska sutoris de Casimiria, cum
magnum dolorem pectoris capitisq; & oculorum caliginem
passa fuit, votum vouit ad sepulchrum pii Stanislai cum Missa
& candelae, & sana fuit.

QVINQVAGESIMVM II.

Ab infir- ANNO Christi 1533. Sacerdos quidam Canonicus Regu-
mitate sa- laris Ordinis D. Augustini eiusdem Monasterii Ecclesie
natur. Sacratissimi Corporis Christi, magna & longa infirmitate gra-
uatus, voto facto ad beati Stanislai in Ecclesia Corporis Christi
tumbam ad eius preces, pristinae sanitati restitutus est.

QVINQVAGESIMVM III.

A dolore dentium sanatur. ANNO Domini 1534. Presbyter nomine Ioannes Liwocha
eiusdem Conuentus Corporis Christi professus, & plus-
quam triginta annis in eadem Ecclesia verbi diuini predicator
existens intollerabili dentium morbo, longo tempore labo-
rans

STANISLAI CASIMIRITANI.

27

trans: nullumq; interim doloris leuamen sentiens, contulit se sub voto, ad tabernaculum Corporis Christi, sub patrocinio beati Patris Stanislai Missam faciendi. Noctu interim in somnis, visus est sibi idem beatus faciem illam dolorosam, manu prehensa veluti linire, qui experrefactus somno, omni prorsus dolore, sese liberus comperit.

QUINQVAGESIMVM IIII.

ANNO Domini 1535. Quaedam matrona, incidit in morbum à Deo gravem ut ad crastinum sese superuicturam minime speraret. Verum oblata ab aliis ad beati Patris Stanislai sepulchrum, illico ex illa vi morbi consurrexit, & tabellam quæ ibidem ad eiusdem beati tumbam adhuc extat appendi curauit, in laudem & honorem Dei Præpotentis.

A gravē morbo sanatur.

QUINQVAGESIMVM V.

ANNO Domini 1603. Iunii 14. Thomas infantulus vnius anni, filius Stanislai Kloz Civis Casimiriensis, & matre Anna Zaborska de magna Opatow, Czeslochouiam ad Diuam Mariam à parentibus curru vectus, nimioq; solis calore conflagratus, gravi infirmitate oppressus est; ita ut per quinque hebdomadas, absq; villo cibo, saltim paucissimo ceruisie potu contentus fuit: sed cum votum ad tumbam huius pii Patris beati Stanislai Casimiriani per parentes factum esset, pristinas vires resumpsit.

A periculo mortis sanatur.

QUINQVAGESIMVM VI.

Item, ego Martinus Baronius Iaroslauiensis Clericus Diocesis Præmissiensis, coram Deo & Sanctis eius attestor. Quod cum Anno Domini 1606. Iunii die 8. in itinere ex Sendomiria Cracouiam pergens, grauissima febris & capitis dolore, tum & lateris dextri acuti punctura ex nimio solis æstu correptus eram, ita ut iter ceptum perficere, nequaquam poteram

A variis infirmitatibus sanatur.

beatum Stanislaum Casimiranum facto visitandi sepulchrum
ipsum, illico sanus factus sum, votumq; adhibitis indignis ora-
cionibus meis compleui.

QVINQVAGESIMVM VII.

*A dolere
capitis
liberatur* **H**onesta Anna vxor Famati Iozepki Szperka Lanionis Ciuis
Casimiriensis, dolorem capitis & pectoris acerbissimum
passa, ex voto cum vna Missa visitandi sepulchrum beati Patris
Stanislai, repente sanatur, Anno Domini 1607. die 16. Men-
sis Iulii.

QVINQVAGESIMVM VIII.

Post decessum de hac luce beati Stanislae Casimiriani, multae
matrone steriles meritis ipsius prolem a Deo impetrarunt ac
alix grauidae puerperae difficili partu anxiae, & nimio dolore
afflictae peneq; morituae, inuocato nomine Diuino & beatissimae
Mariae Virginis, intercessione eiusdem beati Patris Stanislae
diuersis locis & temporibus, felicem partum ediderunt, Landan-
tes Deum in Sanctis eius.

RATIO.

Multa alia Miracula quae Deus operatus est, per merita beati
Stanislai Casimiriani omitto, ne graueretur Lector,
in his enim omnibus sit Deus omnipotens in aeternum lauda-
bilis & gloriosus, qui in beato Stanislae Confessore suo est
mirabilis. Psalmo 67.

DEBBATO STANISLAO CASIMIRIENSI

Antiphona.

A Ve lux vite Monasticae,
Dei Confessor mirifica,

Beate pater Stanislae,

Stella refulgens Casimirae.

Gloria tu Polonorum,

Tu decus Canoniorum;

Quos Regula Sancta fouet,

Atq; summo Deo vouet.

Cuius diuus Augustinus

Post Deum, author est primus;

Vir omni lingua laudande,

Toto orbe predicande.

Qui das lapsis releuamen,

Qui das infirmis iuuamen.

Tu pro nobis intercede,

Ve caelesti nos mercede

Dictet Deus cum beatis,

Regno suae faustitatis.

Amen.

Ora pro nobis Beate pater Stanislae,

R. Ve digni efficiamur promissionibus Christi.

ORATIO.

Omnipotens sempiternus Deus, qui Beatum Stanislaum
Confessorem tuum, in numeris virtutum miraculis, in
terra decorasti, tribue quæsumus vt eius meritis ac precibus,
infernalis terrenæq; flammæ incendio, contagione pestis, ac
noxia inundatione aquarum, te miserante liberemur. Per
Dominum nostrum &c. Amen.

D 3

Oratio

DEUS qui Sacrum Ordinem Canonicorum Regularium Sancti Augustini, Urbemque Cracouiensem beati Stanislai Casimiriani Confessoris tui, meritis gloriosis illustrare voluisti interris: Concede propitius, vt pro nobis apud tuam clementiam, nunc & in hora mortis nostræ, ipse intercedat in Cælis. Quem Dominus noster Iesus Christus Filius tuus, cum Beatissima Virgine Maria Matræ suæ, & Sancto Stanislao pontifice & Martyre suo, in hora mortis eius dignatus est, cum gaudio visitare in terris. Qui tecum viuit & regnat in unitate Spiritus Sancti Deus, &c. Amen.

ORATIO DE BEATO STANISLAO KOSTKA
SOCIETATIS IESU.

Trent. 3.

V. Bonum est viro cum portauerit
R. Iugum Domini ab adolescentia sua.

OREMVS.

DEVS qui Beatum Stanislauum Kostkam, ex numero Societatis Iesu Christi iuuenile flore nitentem in Sanctorum Confessorum tuorum consortium sublimasti. Prestita qua sumus, vt quem tibi in terris facis populo tuo esse deuotum, eius meritis apud te in cælis animabus nostris, sentiamus auxilium perpetuum. Per Christum Dominum nostrum. Amen.

Sanctorum

Sanctorum & Beatorum virorum Stani-
slai nomine vocatorum, Polonorum,
Martyrum & Confessorum breuis no-
ta & Cathalogus, Anno mortis, Men-
se, die, & loco, in quibus sacra ipso-
rum corpora sunt condita notato, ab
Anno Christi. 1078.

STANTES erant pedes nostri: in atriis tuis Ierusalem, illuc
enim ascenderunt tribus, tribus Domini, ad confitendum
nomini Domini. Psal: 121.

PRIMVS.



SANCTVS STANISLAVS

Episcopus Cracouiensis & Martyr, in Ordi-
ne sedis Episcopalis Nonus, Decemseptem
mortuorum resuscitator, à Rege Boleslao
Audace (dum ad altare diuina perageret)
interfectus & in plurimas partes conceissus, quæ postea suis
locis dispositæ miraculosè coaluerunt. Sub Innocentio
Quarto Pontifice Maximo in numerum Sanctorum relatus,
Cracouiæ quiescit Anno Domini 1078. Maij die 8. eius
festum toto orbe terrarum Clemens Papa VIII. Duplici
festo-celebrari mandauit, Anno 1596.

Secundus

SECUNDVS.

BEATVS STANISLAVS Polnaniensis Ordinis Carmelitarum, verbi Dei concionator feruentissimus, in Prussia pro Fide Christi ab Idolatris gladiis est confossus, Bydgostię in Cuiavia apud Fratres sui ordinis est sepultus, Anno Domini 1420. Iunii Die 2.

TERTIVS.

BEATVS STANISLAVS Craconiensis, Ordinis Conventualium Sancti Francisci, Sacrę Theologię Doctor, qui vna cum beato Gastoldo Episcopo Vilnense, & triginta sex fratribus sui ordinis, à Tartaris pro fide Christi occisus est. Vilnę in Litwania apud Fratres Conventuales est conditus. Anno Domini 1341. Maii die 24.

QVARTVS.

BEATVS STANISLAVS de Brzescię Litwanie, Subdiaconus Ordinis Sancti Francisci Conventualium, pro fide Christi cum triginta sex fratribus sui Ordinis interfectus est. Vilnęq; in Litvvania apud S. Franciscum tumulatus, Anno Domini, 1341. Maii die 24.

QVINTVS.

BEATVS STANISLAVS de Hurma, Ordinis Sancti Francisci de Observantia, Confessor hominum & Confessor Christi, vir pius & deuotissimus, Vilnę in Litvvania apud Bernardinos sepultus, Anno Domini 1423. Septembris Die 10.

SEXTVS.

BEATVS STANISLAVS de Iaroslavy, Sacrę Theologię Doctor, Ordinis Prędicatorum, à Tartaris pro Christi nomine vnā cum Beato Sadoch Priore, & aliis quadraginta octo fratribus

POLONIAE PATRONORVM.

33

Fratribus ordinis eiusdem, vitam profudit Sendomiriæ, extra muros ad Sanctum Iacobum, apud Fratres sui Ordinis est conditus, Anno Domini, 1282. Februarii die 2.

SEPTIMVS.

BEATVS STANISLAVS de Korzyb Ordinis Sancti Francisci de Observantia, Artium & Philosophiæ Magister, vir patientissimus & profundè humilitatis: Cracoviæ in Stradom ad Sanctum Bernardinum sepultus, Anno Domini 1475. Aprilis die 16.

OCTAVVS.

BEATVS STANISLAVS de Horzis, Ordinis Sancti Francisci de observantia, vir in divinis scripturis absolutissimus, medicus animarum excellens in audiendis confessionibus quantumvis abiectorum & morbidorum hominum indefessus, scripsit super quatuor libros sententiarum, Cracoviæ ad Sanctum Bernardinum quiescit, Anno Domini 1480. Iunii 5.

NONVS.

BEATVS STANISLAVS Casimiritanus, Ordinis Canonicorum Regularium Lateranensium Sancti Augustini, vir vitæ sanctæ, & inculpate, plurimis miraculis, in depellendis morbis variis hominum clarus, Casimiræ ad Cracoviam in Ecclesia sacratissimi Corporis Christi apud Fratres sui ordinis sepultus, Anno Domini 1489. Iunii die 7.

DECIMVS.

BEATVS STANISLAVS de Stapis, Sancti Francisci de observantia, vir magnæ contemplationis, & regularis perfectionis, simul prædicatoris ac Confessarii munus obiens, Spiritu prophetico plenus, quendam Pseudopphetam nomine Petrum in monte Slupensi latitantem patefecit, Bidgo-

E

stis

stiz in Prussia humatus ad Sanctum Bernardinum, Anno Domini, 1506. Iulii 17.

VNDECIMVS.

BEATVS STANISLAVS Kokozka, ex Ordine Predicatorum, Sacre Theologie Magister, vir deuotissimus, plurimis miraculis clarus. Quoties enim ante imaginem Crucifixi, in ambitu Conuentus vt ipsi mos erat, orationes fundebat, toties a terra eleuari altitudine quatuor cubitorum, & dulcia colloquia (lumine plurimo circumfusus) cum Domini nostri imagine conferre visus fuit, Cracouie ante altare Crucifixi sui oratorii sepultus est, Anno Domini 1532. Februarii 13.

DVODECIMVS.

BEATVS STANISLAVS KOSTKA POLONVS Societatis Iesu. Natus Anno Domini, 1550. in auitis bonis Familie sue, Rostkow dictis, in terra Plocensi: Parentibus Ioanne Kostka in Rostkow Castellano Zakrocimensi, & Margaritha Kriska de Drobnin: quem mater in utero gestans, nomen IESV Saluatoris nostri, colore purpureo in pectore (omen nimirum nasciturę prolis Christi obsequio mancipandę) diuinitus expressum habuit; quod ipsamet Sacerdoti pio, Confessario suo, renouitate attonita enarrauit. Hic a tenera etate literis dans operam, silentio, solitudini, ieiuniis, voluntariis verberibus, diuorum, (& in primis Beatissimę Dei Matris, & Sanctę Barbarę Virginis Martyris) cultui, Sacramentorum vsui frequenti, precibus diu noctuq; ad Deum fundendis, ceterisq; solidę pietatis operibus, mirum in modum deditus fuit. Viennę in Austria in domo Hęretici Senatoris, æger decumbens, cum Sanctissimam Eucharistiam, quam accipiendi maximo desiderio tenebatur, ritu Catholico habere non potuisset, eum ex Angelorum manibus D. Barbara sua Patrona assistente, accipere meruit. Dęmonis in specie canis nigri, ter se inuadentis, signo Crucis expresso, magnani-

magnanimus victor exitit. A Deipara Virgine sibi apparente, puerumq; IESVM in eius lectulo collocante, à graui & periculosa infirmitate sanatus: eiusdem Deiparæ monitu, Societati IESV, Romæ (quò se domesticorum id impedire conantium manus non sine miraculo effugiens, Vienna clàm egressus, tanto illo itinere pedibus confectio contulerat) die SS. Apostolorum Simonis & Iudæ nomen dedit. In qua ad tantam Sanctitatis perfectionem, breui tempore peruenerat, vt Diuini amoris æstu languentis, magnus inflammatæ cælicus mentis ardor, in corpus redundans, linteis frigida perfusus, & pectori eius admotis, ab aliis temperari debuerit. Profundè humilis, exactè obediens, perfectè suipfius victor, sibi mortuus soli Deo viuens. & Angelicam magis quàm humanam in hoc exilio vitam agens, verè Sanctitatis fama illustris. Anno Domini 1568. Aetatis suæ 18. Die 14. Augusti. nocte ante Festum Assumptionis Deiparæ Virginis, obdormiuit in Domino: morte sua ante prædicta; cuius æterna felicitas pluribus reuelata fuit. Hunc multis miraculis, in variis mundi partibus clarum, Clemens VIII. Pontifex Maximus, titulo Beati, diemq; eius anniuersarium, Sacris Indulgentiis exornauit. Paulus V. feliciter Papa modernus, nouis honoribus auxit. Corpus eius Romæ in Monte Quirinali, ad S. Andree (quod olim multò post mortem tempore, incorruptum inuentum fuerat, & multis iterum elapsis annis, suauissimum aliquoties, è loco suo odorem diffuderat) magno cum honore sepultum, à Romana vrbe, & Christiano orbe piè colitur. Ossium reliquiæ, variis in Collegiis Societatis IESV, in hoc Poloniæ Regno, multisq; aliis, debita cum veneratione asseruantur: anniuersaria deniq; felicitis eiusdem ex hac vita transitus memoria, in Aphrica ipsa, & orbe nouo, à piis fidelibus ritu solemnè celebratur.

De quo sic Illustris Christophero Chodkewic.

E 2

Reliquias

Reliquias Kost. tenet orbis : Sydera mentem,
 Terra tegit corpus, si tamen vlla tegit,
 Quid mirum ? Sedes si tot tenet ille, recondi
 Vno non poterat, gloria tanta, loco.

DECIMVS TERTIVS.

BEATVS STANISLAVS HOSIVS POLONVS, Sanctę
 Romanę Ecclesię Presbyter Cardinalis, Episcopus Varini-
 ensis, Vir eximię Sanctitatis, ad Sacrosanctam Tridentinam
 Synodum à Papa Pio IV. de latere Legatus, eruditionis &
 eloquentię gloria celeberrimus, hereticorum maleus (quos
 acerrimè suis scriptis oppugnaverat, multosq; ab erroribus
 renouauerat) à doctis viris appellatus grauissimis legationibus
 pro pace Ecclesię Dei, felicissimè perfunctus non solum de
 Polonię Regno; sed & de toto Christiano orbe, optimè meri-
 tus pietatis, humilitatis, charitatis, castitatis, beneficentię,
 omniumq; virtutum laudibus, & exemplis ad imitandum abun-
 dans obiit. Anno Domini 1579. ætatis sue 76. die 5.
 Augusti. S. Marię ad niues sacro, in cuius Ecclesia trans
 Tiberim Romę sepultus quiescit.

Eius Doctrina Libro 1. Confessionum.

Hęc scripsi vobis de his, qui sequuntur vos: Catholicus non
 est, qui à Romana Ecclesia in fide Doctrina discordat.

DECIMVS QVARTVS.

BEATVS STANISLAVS Ordinis Sancti Francisci Con-
 uentualium, Theologus & concionator feruentissimus, vir
 eximię sanctitatis, qui vnà cum Sexaginta Deo dicatis Virgini-
 bus, & Duodecem fratribus sui ordinis, à Tartaris Poloniam
 vastantibus pro fide Christi Martyrii coronam adeptus est, in
 Zauichost Ecclesia Sancti Damiani sepultus. Anno Domini,
 1282. Die 5. Februarii. Decimus.

DECIMVS QVINTVS.

BEATVS STANISLAVS Polonus Cartusianus, Confessor Christi dilectus, vir magne abstinentie, humilitatis & diuinarum contemplationum celebris: Virgini Marię deuotissimus, à teneris annis ad mortem vsq; suam in castitate uuens, operum bonorum plenus, felix in domino moritur, in Prussia in Conuentu Paradisiensi prope Dantiscum honorifice est conditus. Anno Domini 1512. Octobris die 8. vita ipsius cum egregijs factis in Cathalogo fratrum defunctorum in eodem Monasterio manuscripta continentur.

DECIMVS SEXTVS.

BEATVS STANISLAVS de Oporow, Ordinis S Pauli Primi Heremite, in Academia Cracouiensi Artium Magister, & Philosophię Doctor, in Monasterio Sanctę Marię Clari montis. Ordinem eundem Sancti Pauli ingressus, primum Confessarii, tandem Prædicatoris munus obiens, magnum specimen sanctitatis de se protulit, cuius corpus intactum nulla putredine infectum, hucusq; illesum permanet. Oporouię sepultus apud Fratres sui Ordinis. Anno Domini 1524. Aprilis die 22.

DECIMVS SEPTIMVS.

BEATVS STANISLAVS Præmissiensis Ordinis Sancti Francisci Conuentualium Guardianus Leopoliensis, cum alijs fratribus Ordinis sui Martyr, à Tartaris loca illa tunc temporis vastantibus, simul cum populo Sacramentum Eucharistię suscipiente trucidatus, & ibidem Leopoli sepultus est, Anno Domini 1241.

DECIMVS OCTAUVS.

BEATVS STANISLAVS Lithuanus, Ordinis Sancti Basilii

Basilii, cum aliis fratribus eiusdem ordinis, pro fide Christi à Tartaris interfectus est. Vilnæ in Lithuania in Ecclesia Sanctissimæ Trinitatis non sine miraculis quiescit, Anno Domini 1342. Septembris Die 7.

DECIMVS NONVS.

VENERABILIS STANISLAVS VARSZEVIICKI, Societatis Iesu, Polonus, rerum caducarum nostra ætate contemptor insignis, ex antiqua & illustri Familia in Masouia, Patre Ioanne Varzeuicki, Castellano Varzauense natus, ingenio, doctrina, auctoritate, in aula regia florens. Prælatura Scholasticæ Gnesnensis illustris: cum ad maiores honores vocaretur, oblatum à Sigismundo Rege Episcopatum repudiavit, & omnibus mundi illecebris, vanitatibusque reiectis, ferè iam quadragenarius, splendori generis, & dignitatum, humilitatem status religiosi præferens, se in ordinem Societatis Iesu recepit, Anno Domini 1567. Huic Romæ in domo Societatis Iesu, quam professorum vocant, existenti, salix ad cælum transitus Beati Stanislai Kostka Poloni, qui eius in Tyrocinio eiusdem religionis socius fuerat, ad Sancti Andree in monte Quirinali mortui, eadem nocte, qua obiit, reuelatus fuit, cuius postea vitam scripsit. Vir fuit verè religiosus, ac maxime pius, orationis apprimè studiosus, in qua sic erat defixus, ut cum oraret extra se positus videretur, magno enim inter cælesti lumine, mens eius perfundebatur, igneque Spiritus sancti voluntas exardescibat, quod liber contemplationum, manu ipsius scriptus, post mortem eius repertus apertè declarat. Erga Christi Domini nostri cruciatus, sanctissimumque altaris Sacramentum, miro ferebatur affectu. Dei parentem Beatissimam, & S. Catherinam Senensem, speciali cultu venerabatur. Honoris diuini, salutisque proximorum zelo admirabili feruens, Hæreticos ab erroribus, peccatores à viciis, non solum

POLONIAE PATRONORVM.

39

Solum incensis concionibus; sed etiam variis scriptis, & libris editis reuocare diligentissimè studuit. Religiosæ humilitatis suiq; abnegationis amantissimus. Morti proximus, vnus diei, noctisq; totius decursu, continua lucta à humanis generis hoste (quod & S. Catharinæ Senensi patronæ suæ, multis que aliis Sanctis accidisse legimus) fatigatus, gloriose victor, Anno Domini 1591. ætatis suæ 64. variis laboribus, & muneribus pro Christo perfunctus, multaque canicie, & virtute venerandus 24. annis in religione sanctè transactis, feliciter migravit ad Dominum. Cracouię peste extinctus, magis enim præcibus à superioribus obtinuerat, vt in Ciuitate hæc contagione infecta, sibi manereliceret, in templo Sancti Mathiæ, Domus Probationis Societatis Iesu sepultus.

VIGESIMVS.

Nobilis Stanislaus Pomaski Polonus, Subcamerarius Serenissimæ Mariæ Mniskowna, magne Ducissæ Moskouiæ, sacrificanti fratri suo Germano, Reuerendo Francisco Pomaski, Præposito Samboriensi, inferuiens sub idem tempus, in eodem loco, vnà cum eodem Francisco fratre, à Moscis schismaticis inimicis religionis Catholicæ, impie & crudeliter interemptus in ipsa Ciuitate Moskwa, metropoli totius magni Ducatus Moskouię, Anno Domini, 1606. Maii 27. ibidemq; sepultus.

VIGESIMVS PRIMVS.

BEATVS SVENTOSLAVS humilibus parentibus Ciuilis conditionis ex oppido Slawkow, Episcopatus Cracouiensis natus, primarum saltem literarum noticia contentus, cum ad altiora non dabatur accessus, arti sutoriæ aliquantulum deditus fuit, verùm ob suam sinceritatè, pietatem, ac deuotionem visione Sancti Stanislai Episcopi Cracouiensis illustratus & admonitus,

arte

arte & seculo relictis, circa Ecclesiam Beatę Marię virginis circuli Cracouiensis, primùm Clericus tandem & Mansionarius eiusdem Ecclesię factus, eo fidelitatis munere insignitur, vt Exequutor testamentorum crearetur, vir pius, mitis, patiens, deuotissimusq; in sermone parcissimus, ita vt perpetuum silentium obseruasse videretur: plurimis operibus bonis & virtutibus clarus migravit ad Dominum, & in eadem Ecclesia Sanctissimę Virginis Marię in medio chori sepultus est Anno Domini, Millesimo Quadringentesimo Octuagesimo Nono, Aprilis die 15.

VIGESIMVS SECVNDVS.

BEATVS SVLISLAVS Nobilis Scepanouius de armis Prussorū, pater S. Stanislai Episcopi Cracouiensis & Martyris, vir deuotissimus, vitæq; inculpate Eques Polonus. Is cum nullā prolem ex nobili Beataq; Bogna consorte sua longorum spatio annorum susceperat, in eleemosinis ac bonis operibus, egenis ac pauperibus mira cum promptitudine exhibitus assiduus extiterat, nullis facultatibus quas non postremas habuit in pia opera parcendo, precibusq; suis numen diuinum implorando, vt eundem Maiestas diuina prole (quam obsequio altissimi deuouere vna cum consorte sua animo conceperant) consolari dignaretur. Nec vane ipsius orationes Eleemosinę ac pia opera fuerant, in senectute etenim illius, vt alteri Elcanę ex Anna

1. Reg: 3
Ecclesia-
stes Cap:
46.

Samuelem Prophetam Dei, sic Sulislao beato, ex beata Bogna, Stanislauum Sanctum Episcopum & Martyrem largitus est. Diebus tandem plurimis, antiqua pietate exactis, flore sanctę iuuentutis Sancti filii sui gaudens, in domino moritur, Scepanouix sepultus, Anno Domini 1051. Februarii die 7.

VIGESIMA TERTIA.

BEATA SVENTOSLAVA Civis Casimiriensis ad Craco-

Cracouiam vidua foemina deuotissima assiduis orationibus (familia proba rem domestica strenue providente) dedita pauperumq; prouisor munifica, hac tanti meriti pietate & vite integritate apud Deum extiterat, vt vno temporum ad Bustum Sancti Stanislai Episcopi ac Martyris (ad quem miro deuotionis & obseruantie tenebatur affectu) oranti, eidem Sanctus Stanislaus Pontificalibus indutus in Rupella Aede Diui Michaelis summo mane dum ipsamet de more Ecclesiam venerat, cum magno coetu Angelorum & Sanctorum ac sanctarum Dei apparuit, & absoluto Sacrosancto Missae sacrificio his verbis ad eam dixit: Filia mea Suentoslaua: oportune venisti, verum moneo vt eas ad successorem meum Lambertum Episcopum, nomineq; meo eidem referes (cum ea sit voluntas diuina) vt corpus meum ex hoc loco in Ecclesiam Cathedralem ob maiorem cultum diuinum & seruentiorem deuotionem populi Dei transferat. Quod & fecit. ceterisq; verbis illam saepe in tribulationis ipsius consolabat. Qua vita sancta in eodem loco apud Fratres Eremitas Ordinis Sancti Pauli primi, Eremitae in Skalka, vbi orationes fundere solebat, honorifice sepulta est, Anno Domini 1077. Die 5. Februarii.

VIGESIMA QVARTA.

BEATA BOGNA, mater Sancti Stanislai Episcopi Cracouiensis, matrona deuotissima, quae orationibus, ieiuniis ac Eleemosinis assiduis, toto tempore vitae suae degens, clara extitit. Quaeq; in senectute sua meritis & precibus ad Deum obtinuit filium, eundem Sanctum Stanislauum Episcopum Cracouensem & Martyrem. Qui ob sua clarissima & admiranda miracula meritaq;, notus est omni terrarum. In Oppido Szezanow dicto sepulta, die 13. Mensis Iunii, Anno Domini 1069.

I. Reg: 1.

Bona ar.

bor bonu

fructum

fuit.

Mat: 3.

7. 11. 1.

Tim: 2.

Vita Beati Meinhardi Episcopi Liuoniensi.

BEATVS MEINHARDVS de Zegeberg Ordinis
 Canonicorum Regularium Sancti Augustini, vir pietate &
 sanctimonia vite insignis; ex Lubeca Ciuitate celeberrima cum
 mercatoribus conscensa naui in Liuoniam, Anno partē per
 Christum salutis, 1200. traiecit, & conspiciens in tam in-
 signi & præmatura messe, nullos operarios extare, continuo ibi
 vnius famuli conuictu contentus ætatem transigere instituit.
 Cassamq; ibidem ex arbutis propter imbres arcendos constru-
 xit, paulatim deinde hominum familiaritatem captare & tēdio
 superato habita iam mutui conuictus, & contractæ noti-
 tiæ cum incolis, Regionis opportunitate, religionis & rerum
 diuinarum eos admonere cæpit, sensimq; à vano idolorum cul-
 tu, ad Christianæ fidei obseruantiam adducere, auspicanteq;
 Deo & pium viri religiosi conatum sæcundante complures inco-
 larum, in agnitam veritatis doctrinam consenserunt: quorum
 crescente numero, multorumq; animis vt fit, rei nouitate &
 inusitate religionis studio flagrantibus, Basilica (in loco quem
 hodie vocant Kirkolm vbi est arx præcipua Liuoniæ ad rippam
 Diuinæ fluminis duobus miliaribus supra Rigam hodie floren-
 tem Metropolitim Regionis illius) summo studio instauratur,
 nec multò post Beatus Meinhardus ab Archiepiscopo Bremen-
 se in Liuoniæ Episcopum consecratur. Qui vt Sanctus Adalber-
 tus Pruthenorum, sic & ipse Liuonum Apostolus factus in
 messe Christi strenui operarii munus adimplens, rem christi-
 anam multum adauxit, & magnam gentis partem ad Christum
 conuertit. Postea plurimis documentis & statutis sanctis
 Ecclesiæ à se fundatę relictis, opere bono consummato, sæli-
 citer vitam cum morte commutauit. Ibidemq; in Liuonia non
 sine multis miraculis Rigę quiescit, Anno Domini,
 1205. Die 10. Maii.

Beatus

BEATVS BERTOLDVS Ordinis Cisterciensium Abbas post Beatum Meinhardum, secundus Episcopus Livo-
nię, à Bremensi Archiepiscopo consecratus. Beato Boleslao
Chabrio Regi Poloniae charus, in multisq; Reipublicę & fidei
Christianę propagandę utilis extitit. Is contra irrupentes ho-
stes fidei Christianę Catholicę, vna cum peregrinis militibus,
qui pietatis ergò ad militiam Christo exercendam, ex Germa-
nia & Polonia confluerant, pugnare instituit, vbi vero ad pu-
gnam ventum est, equo infreni in mediam barbarorum aciem
proiectus, ab impiis lanceis confoditur, pro Christi nomine
coronam Martyrii meratus est. Tandem crescente multorum
pietate Christiana, plurimi se sacrę militię deuouerunt, Ordi-
nisq; fratrum Cruciferorum Teuthonicorum habitu suscepto,
in Prussia commorantur, ibidem in Prussia Rigę quiescit,
Die 5. Mensis Iulii, Anno Domini, 1200.

Vita Beatę Iuttę, viduę, Pruthenę, ex Eccle-
sia Cathedrali Chelmzensi, vbi sacrum
eius corpus requiescit, desumpta.

Obiit Anno Domini, 1260. Die 5. Maii.

BEATA IUTTA Pruthena, ex antiqua & Illustri Fami-
lia Sangerhausen: nata in Prussia Anno Domini 1220.
Parentibus Adalberto & Hedvigi in paterno Oppido Bug me-
dio miliari à Ciuitate Chelmza. A prima ætate magna futurę
sanctitatis signa dedit, obsequio diuino, lectioni sacrę, &
precipue exemplorum piorum, vitisq; Sanctorum multum
dedita fuit, quibus permota magno tenebatur desiderio se Deo,
in aliquo religioso ordine consecrandi. Sed cum frater eius
Ioannes, quem vnicum habebat, religioni Cruciferorum
(quam postea septimus Magister Generalis electus feliciter ad-

ministravit, Ordinifq; Prædicatorum monasterium, inter cetera præclare à se gesta, Torunii fundavit) se addixisset, à parentibus, innita licet, Illustri viro Ioanni Konopacki libero Baroni in Bielczany, annum ægens 15. in matrimonium data est. In quo statu pristina pietatis exercitia non intermittens, lectioni piæ, orationibus operibusq; misericordiæ vacabat. Filiolam, quam vnicam habuerat, in timore Dei educando, à teneris annis, inediæ, orationibus aliisq; piis exercitiis assuefacere satagebat, id à Domino vnicè petens, vt in virtutibus homini Christiano propriis proficeret. Tantæ misericordiæ in egenos exstitit, vt id totum, quod à parentibus ex auro, argento, gemmis, similibusq; in ornamenta habuerat, larga manu inter eos distribueret, in spontanea paupertate, quantum per statum illum licebat matrimonialem, Christi amore se exercere desiderans. Cùm autem ob magnam illam in egenos liberalitatem, ipsamet necessaria conditioni vitæ suæ, ab aliis per modum Eleemosynæ petere coacta, à notissimis suis ludibrio despectuq; habitafuisset, ei Christus Dominus apparuit, prudentemq; seruum, & fidelem dispensatricem bonorum suorum consolando, ad eam ait: Omnia mea, tua sunt, & tua mea. Quibus verbis recreata, operibus pietatis, obsequioq; pauperum magis se dedit, corpora leproforum lauabat, & ægrotis, debilibusq; inseruiendo, de rebus necessariis, quantum poterat, prouidebat. Ecclesiam Canonorum Regularium S. Augustini, ciuitatis Chelmzensis, (quæ nunc Cathedralis est) medio miliari, à bonis mariti sui distantem, non rheda, vel curru vecta, sed pedibus iter faciens, quotidie pietatis causâ adibat. Accidit autem sæpius, vt omissio illo longiori itinere consueto, tam adueno iam dictam Ecclesiam, qua ab eadem domum redeundo, rectâ supra stagnum interiacens, siccis pedibus multis spectantibus, tantoq; miraculo attonitis ambularet. Maritum indignè piam hanc

eius

eius consuetudinem, in adeunda Ecclesia ferentem, grauiq; suspitione de religiosis loci illius, & vxore sua, dæmonis instinctu, prauorumq; hominū suggestionē, laborantem, ab errore, magna que hac tentatione, insigni miraculo liberauit; nam cū die quadā, tardius ex eadem Ecclesia, domum reuersa fuisset, ab eo, quòd prandium non citò pararetur, verbis, contumeliæ, minarumq; plenis, affecta, magna cum humilitate, iniuriam sibi illatam sustinens, tripodem ferreum ignitum, cum piscibus, quos in eundem paulò ante coniecerat, nudis manibus ex igne illæsa recepit, & pisces nondum coctos, marti mensæ apposuit, quibus ille gustatis, cū optimè coctos & conditos aduertisset, rei nouitate euidentique miraculo attonitus, supplex veniam suspitionis illius falsæ, iniuriæq; verbis illatæ, ab vxore postulauit, penitentiaque iudicii illius temerari ductus, administratione rei familiaris Beatæ Iuttæ commissa, in pœnam peccati illius, Romam peregrinatus est, vbi sacris locis pie visitatis, diem clausit extremum. Quod cū illa rescinisset vinculo matrimoniali soluta, liberius pietati vacare, egenisque inferuire cepit, cui in eodem egenorum infirmorum obsequio, causa Dei, noctu occupatæ lumineque lucernarum, & candelarum, similibusque carenti, sol ipse per miraculum, eodem nocturno tempore, lucere visus est, gratum fuisse obsequium eius, creatori suo in pauperibus exhibitum attestans. Ei oranti secundo Christus apparuit, dans ei depromere de latere proprio, magna dona gratiæ suæ. Nam hac visione diuina consolata, maximis thesauris sapientiæ, amorisque diuini, se ditatam aduertit, ita vt scripturam sacram, lumine diuino illustrata multò melius quàm ante intelligeret, aliterq; & subtiliter etiam de ipso Sanctissimæ Trinitatis mysterio differeret. Ex eo quoq; tempore magis ac magis, se obsequio diuino, manscipare volens modum viuendi feminarum, sub Regula Cano-

nicorum Regularium S. Augustini, quas oblatas, seu tertii
 eremitis vocant, imitari decreuit: quam diligenter observans
 orationis sui abnegationis, aliisque pietatis exercitiis, intenta
 ad eam perfectionem peruenit, vt cum Deo agens, altę con-
 emplationi dedita, sapius à terra in aëra eleuata, lumine
 immenso circumfusa visa fuerit. Tandem appropinquante vite
 suę fine, infirmitate correpta (in qua sapius hæc verba repe-
 tebat: O quàm multum prodest ad quæuis à Deo impetranda,
 aduersa valetudo, miseria, & pauperies lata, his qui confi-
 dunt in Domino) tertio Christum Dominum, cum multis
 Angelis, & aliis sanctis sibi apparentem vidit: qui eam his verbis,
 veni iam ó famula mea in regnum meum, ad se inuitauit. Nec
 mora disparente visione, Episcopo Heiderico confessario suo
 accersito, primum sibi ab eo passionem Domini nostri Iesu
 Christi legi petiit, deinde viuificis Sacramentis communiri,
 quibus magna cum deuotione susceptis, o mniibus astantibus
 valedicens, animam puram in manus creatoris sui commendans
 lata migravit ad Dominum. Anno Domini, 1260.
 Etatis suę 40. Die 5. Maii. Corpus eius humeris
 Sacerdotum, qui plurimi licet non vocati, Dei nutu ad funus
 celebrandum conuenerant, ad Ecclesiam Chelmzensem (quę
 nunc Cathedralis est, tunc Canonicorum Regularium erat)
 delatum, magno cum honore sepultum fuit, quo tempore
 plurimis infirmis, claudis, surdis, cæcis, & debilibus, qui
 benefactrici suę, vltimum obsequium præstituri plangentes
 conuenerant, DEVS omnipotens, per merita famulę suę
 Beatę Iuttę, sanitatem, gressum, visum, auditum, aliaq; bene-
 ficia contulit, & in presens opem eius implorantibus conferre
 solet, ad laudem nominis sui sanctissimi, quod sit benedictum
 in sæcula, AMEN.

VITA BEATÆ DOROTHEÆ,
viduæ, Pruthenę, ex Ecclesiæ Parochi-
alis Marieburgensis, antiquissimis
monimentis, desumpta.

SANCTA DOROTHEA nata est Anno Domini, 1334.
In villa Montowo, insulæ maioris Quiciensis : Diocesis
Pomeranię, in Prussia, parentibus honestis, & diuitibus
pietate in Deum, & liberalitate in egenos claris, à quibus
optimè educata, Septimo ætatis Anno, magna futurę san-
ctitatis signa dedit, & licet in illa ætate, modico valde cibo
semper vteretur, Sabbathiuos tamen dies, ad honorem Deiparę
Virginis (quam toto vitę suę tempore speciali cultu venera-
batur) panem & aquam semel tantum comedens, ad extre-
mam vsq; senectutem obseruauit. In matrimonium à parenti-
bus, vni ex ciuibus Quiciensis ciuitatis tradita, nihil ex pristi-
no deuotionis feruore remisit : defectus suos quotidie (qui
ob eius viuendi modum, graues esse non poterant) aliquando
etiam pluries in die, puritatis animi amicissima, Sacerdoti ap-
probato confitebatur, ita tamen pietati vacabant, vt vocatio-
ni suę, in curanda re familiari non deesset, in qua cura magis
Deo, qui eam ad tale vitę genus vocauerat, quam marito suo
placere desiderabat. Ex-attenta considerose Dominicę Passio-
nis, ad affligendum corpus proprium, licet imbelle, adeò
seipsam excitabat, tantumque acquirebat animi vt illud non
solum virgis, flagris, tribulis, diuersique generis instrumentis
aculeatis cederet, sed etiam (quod incredibile dictu videretur,
nisi scriptis autenticis fulciretur) adhuc à teneris annis, æstate
quidem candelis accensis, ferro candente, aqua feruentissimè
bullicente

bulliente, pinguedine igne accensa. Verno vero tempore, glacie, ventis, pruina, quibus se intensissimis frigoribus sequentibus exponere, mirum in modum voluntarie diuexaret. In brachiis, pedibus, tibiis, femoribus diuersa vulnera sibi infligendo ad se afflixerat, vt totum corpus, facie & manibus exceptis (quæ ne suas illas tantas corpus voluntarias afflictiones proderet, data opera illæsa reliquerat) scabiosum, saucium, vulneratum, exustum, concussumque haberet. Cum autem simul cum marito, pio licet & deuoto, conuiuuiis sæpius eam adesse, iustis de causis necesse esset, clam pedibus suis vulnera infligebat, vt studiosè claudicans, à choreis ducendis, quas multum detestabatur, honestà se excusandi occasionem haberet. Marito orbata, ad mortem vsque in statu viduali viuere decreuit, vt magis Christo placere posset. Quare quidquid in se adhuc veteris Adæ, carnaliumq; desideriorum, quæ militant aduersus animam sentiebat, continua suiipsius victoria, voluntatisque propriæ abnegatione extinguere, & in seruitutem sanctam appetitus suos redigere, & corpus frequenti castigatione, recte rationi perfectè subiicere conabatur, orationibus vacans, & non solum sua, sed aliena peccata desens. Exemplo aliarum sanctarum feminarum, desiderio visitandi loca sacra accensa, familia domus suæ optimè disposita vili peregrinæ habitu, primùm Aquisgranum Deiparæ Virginis imagine miraculosa celebrem: deinde Romanam urbem, Apostolorumq; principum sepulchra adiit Anno Domini 1388. tempore Clementis Papæ 7. vbi quotidie 7. Ecclesias, religione sacrisq; reliquiis celebres, nudis pedibus, multis cum lachrymis & suspiriis obibat, & postea debilis, & infirma multoq; itinere fatigata, summa cum patientia & humilitate, ad Hospitale S. Mariæ quam consolationis vocant diuertens, in suos defectus si quos se commisisse aduertisset animaduvertebat. Roma in patriam

patriam cum rediret, Coloniam Agrippinam sepulchris SS. Trium Regum, & Sanctarum undecem millia virginum celebrem visitans, plurimas afflictiones ex infirmitate, & aduersitates ex persecutione humani generis hostis (quem semper suis orationibus vincebat) forti animo pertulit. Post quas ei Sanctissima Dei Mater, maximo Sanctorum Angelorum & Sanctarum Virginum cætu comitata, visibiliter apparuit, & eam verbis consolatoriis, & planè maternis confortauit. Qua visione Sancta Dorothea, magis ad obsequium Domini incitata, magis quotidie sibi ipsa mori cupiens, seq; ipsam contemnens, vt magis Deo viuere posset, aspera hyeme sola tenui tunica, & humili palliolo utebatur, quo tamen tempore ad eò Diuino ardebat amore, vt corpus ipsius, ex magno mentis ardore, abundanti sudore quasi in mediò æstatis distlueret. AEstiuo vero tempore, idem internus mentis ardor, externum calorem superans, solis ardores eam sine molestia perferre faceret. Nuda terra ei orationum contemplationumq; locus; eademq; breuis somni quietisque, idq; lapide capiti supposito erat: Nunquam è templo matutinis horis, etiam grauissimis vrgentibus negotiis, domum reuertebatur, nisi post omnia sacrificia diuinaq; officia, quibus magna cum attentione adesse solebat finita, reliquum temporis à meridie, vel in orando pro viuis & defunctis, vel in adeundis Ecclesiis, vel in visitandis languentibus in xenodochiis insumebat. Huic mulieri verè forti, quæ panem otiosa non comedit, die Sanctæ Agathæ Virginis & Martyris post sacram Eucharistiam susceptam, altè contemplationi dedita, maximum cordis dolorem (qui vix sine speciali auxilio Diuino ferri poterat) patienti, magnaq; cum deuotione suspiranti, sponsus eius Christus, cum Sancta matre sua, plurimisque aliis Sanctis apparuit, cordiq; eius, s. sagittas leniter infagens, dixit: Dorothea filia mea, vt ego pro te, sic tu

G

pro

pro me, dolorem patiare. Qua visione licet perterrita, prona tamen Christum Dominum adorans, maxima cum exultatione, sacros eius pedes est exosculata. Cuius humilitate & pietate pientissimus Dominus delectatus, illi benedicens, ipse quoque Sacrum eius caput exosculari est dignatus. Cumque dulcissimis colloquiis eiusdem frueretur, extra se quasi rapta, & penè à sensibus alienata, à terra in aère virtute diuina s. horarum spacio eleuata visa fuit; ad se deinde reuersa, per multos dies, admirandam dulcedinem in corde suo, ex iis colloquiis sponsi sui Christi sensit. Tandem liberius securiusque Deo cupiens famulari, familia prius disposita, facultates suas ad pia opera erogauit, & in ædiculam quam instar sacelli, ad Ecclesiam maiorem Quiciensis ciuitatis, sibi construi fecerat, terrena omnia contemnens, & caelestibus inhians, ingressa, sponte ibidem se occludi fecit: ex qua cum liberi ei pateret in templum prospectus, sacrificia que in eodem templo fiebant, summa cum pietate intuebatur. Nec ex eadem sua ædicula (quæ sibi instar magnifici palatii videbatur.) voluntarioque illo carcere, in quem se Dei amore incluserat, amplius egredi curans, modico valde cibo, qui ei per fenestram porrigebatur, vitam sustentans, & in eodem loco ieiuniis & orationibus Deo seruiens, ad extremum vite suæ permansit. Spiritu Prophetico à Domino donata, multa variis, mortemque suam plurimis perdixit, & aliorum occulta diuinitus cognouit. Antequam ex hac vita migraret, insigni priuilegio à Domino, cui toto corde seruerat, exornata est: nam cum morti proxima, ardentissime Sacrum corpus Domini suscipere desideraret, minusque id aduerterent ii, quibus eam tali viatico muniendi, cura incumbibat, profunda suspiria, ex intimo cordis affectu trahenti, ipsemet Saluator noster Christus Iesus, cum Sanctissima sua matre apparuit, eamque per eandem fenestram, per quam ipsam
 toties.

toties in Missæ Sacrificio, sub speciebus panis latehntem adorauerat, ipsemet proprio corpore, sub iisdem speciebus panis refecit: quo illa percepto, non multò post, ad eundem sponsum suum feliciter migravit, Anno Domini 1394. Ætatis suæ 60. Die 11. mensis Septembris. Post mortem labia eius, liquore mirabili & odorifero sudare visa, corpus vero, licet squallidum, macilentum & liuidum, suauissimum ex se diffundebat odorem, cuius attactu & odore, plurimi debiles & claudifuerunt sanati, & cæci receperunt visum. Sepulta est magno cum honore, in eodem loco, in quo fuit mortua: ad cuius sepulchrum, multi obsessi à Dæmonibus liberati, plurimæq̃ alia miracula, ad eiusdem inuocationem consecuta: quibus permoti Generales magistri Prusiæ, cum Episcopis & Capitulis in ipsorum dominio existentibus, nomine totius Ordinis Cruciferorum, à Bonifacio Papa IX. postularunt, ut eam Catalogo Sanctarum mulierum adscriberet. Eius vita, Latinè à ducentis, Germanicè a centum & decem octo annis, fusè à variis descripta fuit.

Tu Sancta intercede pro nobis ad Dominum qui te elegit.

BEATVS MARTINVS BARICZKA.

BEATVS MARTINVS Bariczka Polonus Warsauiensis, Sacrarum literarum Doctor, Vicarius & Concionator Ecclesiæ Cathedralis Craconiensis, vir vitæ integritate, ac scientia Diuinarum & humanarum rerum conspicuus, in disseminando verbo diuino proficuus, zelator veritatis ac reprehensor detestabilium voluptatum. Is solus, cæteris meticulous indeterritus monitor Kasimiri Tertii Regi Poloniæ in plurima vitia, præcipue verò libidinis scortorum, & exactionum nimiarum in subditos Regni prolapsi, existens, a Bozenta

92 **BEATVS MARTINVS BARIČZKA.**

Episcopo Cracouiensi cum anathemate ad Regem missus, iussu eiusdem Regis comprehenditur, vinculisque coniectus mox in fluuium Vistulam glacie discissa mergitur, & innocenter suffocatur, Die Ianuarii 8. Anno Domini, 1549. Quod facinus Regis viriq; innocentia & sanctitas, diu latere non potuit. Etenim supra locum vbi vir Dei vndis immerfus erat, radii caelestes videbantur, & cantus Angelicus auditus fuerat, donec resoluta glacie, corpus viri beati sursum altiori loco fluminis quam iniectum fuerat, (quod & stupendum) intactum & integrum, odore suauissimo redolens reperitur, & summo cum honore cleri ac totius populi apud Fratres Augustinianos Eremitas, ad Sanctam Catherinam Casmiriæ in Capella Beatæ Mariæ Virginis Confraternitatis, quæ antiquitus S. Nicolai Tolentini vocatur, conditum est: vbi plurimas consolationes Deus omnipotens populo deuoto intercessione viri beati largitur. Regis verò scelus hæc ultio sequitur, nam pestis atrox post necem viri Dei breui per triennium subsequuta est. Quatuor Prouinciæ a Ditionibus Russiæ, nimirum Belzensis, Włodzimiersis, Chelmensis, & Brestensis ammissæ, & ipse Rex in festo Natiuitatis B. Mariæ Virginis, ceruum in venatu persequens, labente inter vepres equo, crure fracto, misere interiit, & nullusq; ex stirpe ipsius vltore Deo amplius in Regnum successit.

**P. Martini Laternæ Poloni, Societatis
Iesu, vitæ, foelicisq; mortis, breuis de-
scriptio. Occisus Anno Domini,
1598. Dic 30. Septembris.**

DIVVS MARTINVS LATERNA ROXOLANS;
in oppi

VITA D. MARTINI LATERNÆ.

in oppido Drohobycza, honestis parentibus natus, in iuuenili
 ætate virtutibus multum additus, mundo, vanitate eius bene
 considerata, adolescens adhuc valedixit: in Societatemq; IESV,
 Anno Domini 1571. ingressus, in literis vsq; adeo perfecit,
 vt titulo Doctoris Sacræ Theologiæ, publicè in Vilnensi,
 eiusdem Societatis Academia insignitus, apud Stephanum
 primum & Sigismundum tertium Poloniæ Reges, concionato-
 ris munere, multos per annos, magna cum laude fuerit perfun-
 ctus. At in virtutibus, præcipuis hominis religiosi ornamentis
 profectus eius, multò maior fuit, maximeq; in omnium virtu-
 tum Regina charitate, nam diu noctuq; non cessabat, orati-
 onibus, vitæ integritate, ingenii dexteritate, morumq; comitate,
 Ecclesiæ Dei bonum promouere, in oppugnandis Hæreticis
 acer, in promouenda Religione Catholica assidus & sælix.
 Omni conatu totisq; viribus satagens, vt quam plurimos,
 Christo Domino, è cæno errorum & peccatorum extrahens
 adiungere posset. Quare neq; concionibus habendis (quas
 interdum binas eodem mane habebat) neque confessionibus
 (quas communiter iisdem etiam diebus, quibus concionaba-
 tur, non solum eorum qui recte valebant, sed interdum etiam
 infirmorum domos eorum visitans excipiebat) audiendis,
 vnquam defatigabatur, nulli labori parcens, dummodò opera
 ipsius, peccator aliquis, ad meliorem frugem conuerteretur.
 Porro plures suis piis laboribus iuuare, & non solum viuens
 sed etiam mortuus, in toto Poloniæ Regno, proximis ad salu-
 tem prodesse desiderans; magno studio & labore librum preca-
 tionum, non magis piè quàm doctè & eruditè sermone Polo-
 nico à se scriptum edidit, in quo non solum preces variæ,
 è SS. Patribus piisq; recentiorum Catholicorum libellis con-
 cinnatæ, sed etiam instructiones multiplices, de rebus ad
 Religionem Catholicam spectantibus, nostro tempore contro-

uerfis, doctrineque Sanctorum Patrum Hæreticis nostri seculi contrariæ continentur, cuius titulum fecit. Cythara vel Decachordon spirituale. Demum in Sueciam, cum Sigismundo Tertio Poloniæ Rege profectus, vt genti Poloniæ, non solum domi, sed etiam foris, doctrina & exemplo, in rebus ad animi salutem pertinentibus inseruiret; ex nauigationis molestis, morbum contraxit, & suadente medico in Poloniam rediens, capta à Suecis Hæreticis, militibus classis Caroli Sudermaniæ Ducis, Religionis Catholicæ Societatisq; IESV hostibus in festissimis nauî, qua vehebatur, dum Catholicos nauigationis comites, quibus Hæretici (serione, an ad terrorem tantum incutiendum incertum) mortem minabantur, nisi Ecclesiæ Catholicæ, summoq; Pontifici renunciarent, ad Religionis constantiam, exempla Sanctorum Adalberti & Stanislai pro fide, Ecclesiæq; libertate occisorum, allegando adhortatur, truncatus manibus, in mare proiectus ac submersus, ad palmam Martyrii euolauit. Anno Domini 1598. Die 30. Mensis Septembris. Reliquos qui secum erant sua morte à periculo liberans; nam ipso in mare deturbato, rabies Hæreticorum insana conquieuit, & aliis vitam donauit.

Hic postea, nobili & pio viro Laurentio Bienczowski Polono, annum fere trigesimum septimum ætatis suæ agenti, cuius magnam beneuolentiam, nauigando ex Suecia in Poloniam, in sua illa infirma, de qua superius dictum est valetudine, in nauî expertus fuerat, captiuo apud Tartaros, (qui eum post eius ex Suecia in patriam reditum, multis cum aliis illorum resistentem incursionibus ex Podolia, captum abduxerant) & uinclis quibus manus retro, pedibus alligati erant, constricto, ex lignoque quodam subtus fovea facta suspenso, Diuinam opem per merita alicuius sancti Poloni pie in bello mortui, in tanta calamitate imploranti, luce mira circumfusus,
& à quatu-

28

& à quatuor candidissimis equis, pulcherrimo curru super mari vestus apparuit, ante crepusculum matutinum diei 7. Iunii, Anno Domini 1602, interrogans an se nosset, cui affirmatiuè respondenti, & quid sibi vellet, talis post mortem super mari triumphus postulanti, inquit, præmia hæc significant, quæ in cælo accepi laborum, quibus pro salute animarum, inter fluctus vitæ mortalis, in nauî Apostolica Petri perfun-ctus sum: quatuor quos vides equi, eandem laborum, in expo- mendis quatuor Euangelistarum scriptis, quatuor item Docto- rum Ecclesiæ doctrina promouenda, à me susceptorum, merce- dem denotant: sed tu dic aie, liberarine vis vinculis, quibus constrictus es captiuitateq; qua teneris? Quòd cum Laurenti- us affirmasset, ab eodem B. Martino Laterna, loca sacra Cra- couiæ, & Romæ, inuisere iussus: illico vinculis sua sponte solu- tis, ingenti sane miraculo tempore superius dicto, repente in campo Russiæ 50. circiter Leucis, à Tartarorum castris, vbi victus fuerat dis- sito, non procul à Ciuitate Leopoliensi adfuit. Nesciens autem, an verum esset, quod fiebat, & putans se (quod & olim Sancto Petro, in Actis Apostolorum accidisse legimus) visum videre (erat enim quasi leui somno dum hæc agerentur correptus nihilque præter quendam sonitum, dum per tanta terrarum spacia, diuina virtute transferretur audire vi- sus sibi fuerat) seipsû excitando, de rei veritate adhuc dubitans, vellicabat, sed cum illucescente aurora, liberum se re vera, in iisq; locis constitutum, vinclaque ad pedes iacentia aduertisset, socios quoq; captiuitatis quatuor Polonos, qui 4. ante diebus, ex eadem captiuitate clam fugerant, iter per eundem campum facientes vidisset: immensis Deo suoq; liberatori B. Martino La- ternæ gratias actis, Cracouiam & Romam pietatis causa, vt iussus fuerat, visitauit: remq; totam ipsemet Confessario suo, R. do Pa- tri Mattheo Pakost Polono, Societatis Iesu Presbytero, ac Sedis Apo-
Apo-


96 **VITA D. MARTI: LATERNÆ**


Apostolicę in templ^o S. Petri, Romę, Pœnitentiario, non semel cum iuramento, & constanter narravit, asseueravitq; quàm etiam Illustri & admodum R^odo Dño Fabiano Konopacki, Decano Pofnanię, & Clementis VIII. Summo Pont. Cubiculario & mihi Martino Baronio Iaroslauensi Clerico auctori, non solum Romę, sed etiam Cracouię, aliisq; non paucis retulit. adiungens sibi in votis esse Sacrã Hierosolymorũ urbem inuisere. Huius miraculi extat etiam imago, Romę cum priuilegio Summi Pontificis, per Iacobum Laurum, Año Dñi, 1607. excussa, & Alexandro Archiepiscopo Eborensi, vni ex Primatibus Lusitanie regni dicata. Fama quoq; est, eundem B. Laternam nautis in mari periclitantibus, & metu proxime mortis, vota Deiparę Virgini Częstochouieñ: nuncupantibus in aere apparuisse, incolumitatemq; magno illorum solatio prædixisse, precibus suis tempestatem sedasse, & se Martinum esse Laternam, asserendo, ad vota nuncupata Deiparę persoluenda adhortatum fuisse, Anno Dñi, 1603. 27. Sept. De corpore quoque eius in littore iuuento, aliqua dicuntur, sed cum de re hac, nihil adhuc certi habeam, ad præsens tacere de eadem malo. Tu his quę breuiter, de tanto viro scripta sunt, beneuole lector, contentus esto eaque boni consule Deumq; lauda, in cuius conspectu preciosa est mors Sanctorum eius, Ipsi honor in secula, A M E N.

AUTHOR LECTORI.

Equum mihi visum est, beneuole lector, ne reliquum quod supersuæ chartę, vacuum in libello hoc remaneret, Martyrium B. Martini Laternę, quem Deus nostra etate, huic Polonie Regno, inter reliquos pietate & literis illustres, in decus & ornauentum dederat, subiungere: vt Martinus Martini, Roxolanusq; Roxolani, vitę integritatem, felicemq; mortem, omnibus ante oculos ponens, mee deuotioni, in Diuum meum cognominem, simulq; tutelarem (quantum pro nunc licet) facerem satis, & omnibus hæc legentibus, Deum laudandi qui in veris seruis suis, semper est mirabilis, bonam materiam subministrarem.

FINIS.





Biblioteka Jagiellońska



stdr0027686

